

SALT

“Scripture Application & Leadership Training”

SALT I Outlines
SALT I Outlines

Mandara Language



THE SALT PROJECT

Mi Tsirien bu vinasengei SALT

E Raban ma mi Kulou	3
1. Vasa giet ta oit ven nia vorotan mi tuktuk?.....	4
2. E Raban a ko tovie giet malan mi banga Tam	6
3. Vasa e Raban a ko malan?.....	8
4. Mi tsinatsangan e Raban vasa a ko ven?.....	11
5. Vasa giet ta oit nia baser palapalan ven meie e Raban?.....	13
6. E Raban a nga tsana giet meie ngan ken venvendon teteir	15
7. Ese e Satan ma ken sar sana suada sinavei?.....	17
E Satan ma mi Sinavei Tsokor	19
8. Ese e Satan ma ken sar sana suada sinavei?.....	20
9. Surie misa giet ta ko tsana mi sinavei tsokor?.....	22
10. Misa mi vuovuan kegiet sar sinavei tsokor?.....	24
Mi Vavato	26
11. Giet pare ken vuna tientoiv e Raban simi vavato por muer nge giet.....	27
12. Misa ken vavato leong e Raban nia por muer nge giet?.....	29
13. Man sana totourlekier mi kuolaon e Karisito?.....	31
Kegi tino mi kuolaon e Karisito ma kegi Baitutuir bu muomuo.	33
14. Mi rosar nia tseptsepriuo mi matakorot.....	34
15. Surie misa kegiet tino ta ngas tsourbeit tamat?.....	36
16. Vasa giet ta oit nia vato venengan mi sinavei tsokor giet ta munu tsana?.....	38
17. Surie misa giet ta ngas vodon rivie mi tsienkor?.....	40
18. Egiet ken tietie e Karisito, vasa egiet ta ngas tino ven?.....	43
19. Mi sinavei nia rorois ma nia vavatei ngan mi Namanien e Raban.....	45

*E Raban
ma
mi Kulou*

Mi Vinasengei 1 Vasa giet ta oit ven nia vorotan mi tuktuk?

Mi Vuna venvendon: Bu mei kokouk gi voturie kegi tino sibu susuada vodovodon tuktuk. Kovo mei mene gi telekiran ine, ma kovo mei mene gi kap. Giet ta ngas konon misana giet te vodovodon tuktuk sien veie mi tuktuk simi namanien e Raban, terengien va kegiet tino ta mang toun i popon ken tuktuk. E Iesu moir eie mi ka a nga veis ine simi kaber eikesen a kap nga bebeir!

A. Ese a suvuon mi tuktuk ma ese a suvuon mi binit?

1. Mi kulou kap vodovodon tuktuk gi vodovodon sibu vodovodon binit palan.
Roma 1:18 [2 Tes 2:9-11, Bu Pak 14:1]
2. E Paulo a nga pengan simi kulou vodovodon tuktuk i Kolose va gi ta kap nga poro bu namani binit simi kulou sievei. Io, a tuktuk va mi kulou vodovodon tuktuk gi ta oit nia vodovodon sibu namani binit. Kolose 2:8 [1 Ioanes 2:26]
3. E Raban a masaron mi kulou rengerengeir va gi ta rangarie ngan mi moromoru ma mi tuktuk. Ioanes 4:23-24.
4. Sien giet tate vor pitapitak sikegiet tino simi vodovodon tuktuk, giet vor ve vikivikisie bu binit ma bu teletelekirei binit surie e Raban meie ngan mi tuktuk. Kol 1:10 [2 Petro 3:18]
5. Mi kulou vodovodon tuktuk gi ta ngas neis vorotan man tuktuk mi namanien e Raban simi Pakpak Leong. Ine simi rosar giet oit nia vorotan mi tuktuk nia virisie kegiet teletelekirei binit ma mi namani binit.

B. "Samo nga ta telekiran mi tuktuk, ma mi tuktuk ta vara ketseketseng nge nga."

Ioanes 8:32.

1. Mi kulou kap vodovodon tuktuk gi kap ketseketseng simi vunan gi suvuon bu vodovodon binit.
2. Mi kulou vodovodon tuktuk gi te suvuon mi vavato eikesen gi ngas ko suvuon kegi sar vodovodon binit ma ian ken sar vodovodon binit gi vor ve petspets sien.
3. Mi ka vodovodon tuktuk ian ta pitak si ken vodovodon buer, eie a ngas suvuon mi vodovodon binit. E Iesu kesen mo a kap nga bebeir.

C. A potokivout nia vorotan mi tuktuk se Raban simi vunan bu venvendon gi vabatie bu vuovuan.

Bu bou -> mi aien -> mi vuovuo

Bu venvendon -> mi viviel -> mi tsinatsangan.

1. Kegiet vodovodon surie e Raban eie a vasangan kegiet rosar nia tino, a malan mi boun mi ei a vasangan mi vuovuan.
2. Ba rosar luo ian a mon:

Mi tuktuk	-> mi ketseketsang	-> mi tino a oit	Ioanes 10:10
	-> mi baivinis	-> mi vinavasor	2 Tes 2:9-12

(a) Egiet kokouk giet ko pare mi kulou ese gi tsang vatsaktie kegi tino ma bu mei gi ta mon i babaregie. (pare mi ei simi riem kieir simi Poster 1).

(b) Sen giet tate vodovodon tuktuk nge tsourbeit mi kuolon e Karisito, giet ngas ko vor vodovodonome a palan bu binit surie e Raban ma vasa eie a ko tsatsang meie ven mi kulou. (mi ei i katum simi Poster 1)

(c) Mi ka ta pitak ken vodovodon tuktuk a varisie mi namani binit ngan mi tuktuk kovuni se Raban sen ta menisan vatitirie mi Pakpak Leong, eikesen a ngas suvuon kovo binit mene ian va ta ngas varisie meie mi tuktuk kovuni simi namanien e Raban. (mi ei simi riem suv simi Poster 1) A kap ka mei a suvuon mi sinavei ian ta dokei, ivie ian ta kap ka binit ta mon sien, eikesen e Raban eie kesen mo.

3. Mi ni vinivikieis simi mei keskes a oit nia vabatie mi vevekieis siken enamon buer.
 - a. Ka mei kes a oit nia suvuon mi vevekieis siken tino sen ta rongomie mi banga vinavatei.
 - b. Gi vateie bu mei mene ngan mi banga vinavatei, gi vavasengei segie nia vemusurie mi Nguts sibu kepineits kokouk. Ine gi vuotongie va gi te tsana bu madar tovtov.
Mat.28:18-20
 - c. Bu madar tovtov gi te kulie bu mei mene nia vemusurie mi Nguts.
4. I aron ian bu kitsip e ta kulie ine bu virevirei:
 - * Misa ine mi kitsip a pengan surie mi tuktuk, o nia telekiran e Iesu?
 - * Vasa ke tino ta kekineits ven surie ian mi sana nama ta mon ine simi kitsip.
 - a. Ioanes 8:32
 - b. Ioanes 14:6
 - c. Osea 4:6
 - d. [Galatia 5:7-10]
 - e. [Ioanes 8:44-45]

D. Man papapaleis mi tuktuk: Mi tuktuk eie a vakatsepa mi dokei. Eie a vasangan vasa bu kepineits gi dokei ven!

E. Mi sinavei nia menise vatitirie mi Pakpak Leong nia vorotan mi tuktuk.


1. E ta ngas tsorubeit mi madar tovtov. [Aposol 17:10-11] (Mi kulou i Berea)
2. E ta ngas mat petspets simi tsientsang. [2 Tim 2:15] (Mi ka ni tsientsang a tsatsang ngan mi tuktuk)
3. Vasa a potakivot ven mi Pakpak Leong [2 Tim 3:16-17] (Bu nama simi Pakpak Leong a kovuni se Raban)
4. Mi Moromoru Tamat ta kuil [Ioanes 16:13] (mi Moromoru simi Tuktuk ta muonge no rakot simi tuktuk)
5. Vasangan sibu mei mene ese gi ta oit nia vavasengei sibu mei mene. 2 Tim 2:2.

F. Sien va e telekiran mi tuktuk se Raban, eikesen e kap teir vasangan sike tino, eie mi tsienakor leong beitsak.



1. Mi sinavei nia teir vasangan mi tuktuk si ke tino, eie a vabatie mi banga venvendon.
2. Dengarie misa e Iesu a nga pengan surie mi ka sievei ma mi ka be guor ta tsang vanuo.
Mataio 7:24-27

Poster 1


*“E ta ngas telekiran mi Tuktuk,
ma mi Tuktuk ta vara ketseketseng nge no.” Ioanes 8:32*



2 Tesa. 2: 9-12



Ioanes 10: 10



Mi Vinasengei 2 E Raban a ko tovie giet malan mi banga Tam

Mi vuna venvendon: Ine mi vinasengei a vavakatsep ngan ken baitutuir e Raban va eie mi Tam. Eie a ko naneie bu natuon ma a lalaro tsok meie gie. Ma buer, e Raban a nga vodon mua ken tsientsang mi tam simi kaber va ta mang pats meie misa mi Tam die i kur simi ringit a malan. Bu tam ine simi kaber gi oit nia puiltsan kegiet teletelekirei surie e Raban. Vasa giet ko verikulie nge puiltsan ven kegiet teletelekirei surie e Raban?

Ine arie mi kepineits kes sibu vodovodon binit giet ta te dengarie simi vinasangei 1 ian giet pinat nia verikulie.

A. E Raban mi Tam a nga tovie giet ngan mi tientoiv a leong beitsak. (Poster 2a)

1. 1 Ioanes 3:1
2. Ioanes 15:9-10, 12

Vodonomie: I aron mi Poster ine simi buk nia tsatsang mi patsapatsan mi aet a tourtelekiran ba kepineits luo ian a kekineits. Simi Poster 2a, mi aet a tour telekiran mi tientoiv. Simi Poster 9a ma 9b mi aet a tour telekiran mi aron mi mei.

B. Ken vuna tsientsang mi Tam nia vasangan ma vavasengei sibu natuon vasa e Raban mi Tam a malan ven. Epeso 6:4 (1 Tes. 2:10-12, Deut 6:7)

C. Mi tsaka puppuo simi tam ma kien.

(Vodonomie: Simi ra giet ta nga suvuon mi vavato, giet vodon venengan e Raban malan giet nga ko vodon venengan bu ka leong sikegiet tino. Sien giet tate me telekiran e Raban, giet ta ngas sunuir va e Raban ta vodusie kegiet teletelekirei surie Eie ese.)

1. Mi tam patsepatseir - sibu ra a kap ko resmatan bu natuon.
2. Mi tam totor - a ko terie sibu natuon bu kepineits kokouk gi ta nongie sien, misasien bu kepineits gi ta kap ngas rorois nia suvuon.
3. Mi tam vodon sasavoir - sibu ra a ko voruruit ma a kap matpetspets nia deng surie ken sar pinat ma putu bu natuon.
4. Mi tam vovvo ngeis - bu natuon gi kap oit nia tsang vaotie ken lalaron.

D. Vasa giet ta oit nia verikulie ven bu baivinekier ta kap duis surie e Raban ian giet ta tamani tsana sibu tamagiet? Giet verikulie bu baivinekier ta kap duis sien giet ta menise vititirie mi namanien e Raban. (Poster 2b)

1. Giet ta vorotan se Luka 15:11-32. Mi tuktuk surie e Raban a malan ne.
 - a. Eie a tovie giet beitsak.
 - b. Eie a lalaro vodon rivie kegiet sar sinavei tsokor.
 - c. Eie a mon rosie giet.
 - d. Eie a resmata giet sien giet ta vuirise tino.
 - e. Eie a kap oit nia vodon punagiet.
 - f. Eie a aor molous nge giet ma a tovie giet.
2. Giet te me telekiran se Roma 8:15 va giet oit nia vuotongie eie va "Abba" "Tama".

E. Misana suada sinavien mi tam se Luka 15:11-32 a vokokotie?

1. Misana a nga tsana?
2. Vasa a nga ven?

F. Vasa ken sinavei mi muariem surie ken minuer e kasien a nga kekineits vekenan ven ken sinavei mi tam se Luka 15:11-32?

G. Vasa e vodon venengan e Raban?

E vodon va eie a malan mi tam patsepatseir, mi tam totor, mi tam vodon sasavoir, o mi tam vovvo ngeis? Ine mi tientoiv e Iesu ta nga vokokotie se Luka 15, vasa, a kekineits vekenan ke baivinekier surie ken tientoiv e Raban niagiet? Sien va 'io', menise surie se Luka 15 ma vorotan vakaleie va surie misa e Iesu a nga potsukie ine mi pinopinouts.

H. E Raban a tovie giet malan mi banga tam.



1. E Raban a nga vile giet. 1 Petro 2:9 a pevien "Eiekesen enga ken kulou viviel e Raban"
2. E Raban a nga tour nout nge giet va egiet te bu natuon. Se Roma 8:15-17 a pevien, "a nga tour nout nge nga..... giet ta so suvu sinsuv simi Tam buer. Egiet meie e Karisito giet ta so suvu sinsuv se Raban...."
3. Mi tientoiv ian ta pats meie mi sinavei nia tsana mi vuduvuduis. Iburu 12:7-11 "Nga ta ngas onvidit ngan mi vuduvuduis kuvu se Raban, surie eie a vuortie nga malan va enga bu natuon.
4. E Raban a ko pare giet [Bu Pak 139:13-16] Ine simi aesaes a pevien, "...e nga pete vakalaie iou i aron mong tou se kinoung..."
5. E Raban a ko nenei vakaleie gie ese gi ta kap suvu ngeisngeis. [Bu Pak 68:5] "Mi tam rakot segie bu nutu tenei, ma mi ka nennei sibu bu vevien naor mamaet labeit.
6. E Raban a kap ko vodon punagiet. [Isa. 49:14-16] "A oit va ka kien ta vodon punan ka natuon ian ta ngas vosusuo?"
7. E Raban a suvuon mi venvendon teteir nian ke tino. [Ieremia 29:11-13] "Surie o telekiran man venvendon teteir ke tino"
8. E Raban a ko resmata no beitsak.[Sepania 3:17] "...eie ta vamada no ngan ken tientoiv...nge resmata no meie mi kienaveir..."

Vodonomie: Ine mi buk nian bu stadi sika mei kes o sikovo mei. Bu kitsip i aron bu bracket [...], nian mi kuilkuil mene buer gi oit nia ase nia kulie kegi stadi. A kalei va bu mei keskes o, bu gargar va gi ta tsatsang ngan ine mi buk nia por kuilkuil sien. Buer nga ta kap vodon sasavoir nia ase mi Pakpak leong sibu bineit kouk malan e Paulo ta nga vanuo ngan e Timoti. 1Tim 4:13. Ma ivie e ta pare ba baitotok tour en (...) ine a vasangan va bu pokonama mene ine simi gargar nama a kap mon.

E Raban a tovie giet malan mi Banga Tam


1 Ioanes 3:1

Ioanes 15: 9-10, 12



Ken tsientsang mi tam eie nia
vasangan sibu natuon vasa e
Raban mi Tam a malan ven.

"Abba" Tama



Luka 15:11-32

1 Pet. 2:9

Rom. 8:15-17

Mi Vinasengei 3 Vasa e Raban a ko malan?

Mi vuna venvendon: Ine mi vinasengei a vakokoit vakatsepa vasa mi Pakpak Leong a palasie venengan va e Raban eie ese. Eie mi Raban a tino rovoriu, Eie mi ka vavagoso, Ken ngeisngeis a tsiroup, Eie a telekiran bu kepineits kokouk, Eie a mon sibu korot kokouk, Eie giet kap oit nia pare ma Eie mi mei. Ma buer ine mi vinasengei a vierte vititirie misa mi Pakpak Leong a pengen surie ine ba mei tour i aron mi Raban kes. E Raban eie mi Raban kes i aron ba mei tour. Simi namani kavel gi ko vuotongie ine va mi "Trinity" Io, ine mi kepineits a potokivout, simi vunan palan bu gargar ese gi ta tsorubeit mi kulou nia vavatei ngan mi banga vinavatei gi puitisan ine mi vinakokoit surie e Raban.

A. E Raban eie a ngeisngeis beitsak ma Eie a kalei beitsak. Giet ta oit nia kor simi benebeir sien va giet ta kap telekire vatitirie ine.

- E Iesu a nga vakokoit surie mi ngesengesien e Raban. Mataio 22:29.
- Giet dengarie mi minangarei gi ta terie se Raban egie gi ta mon i babaren. Puek 15:3-4 [1 Tim 1:17, Roma 11:33-36, Bu Pak 96:5-10, Bu Pak 104:31-33, Isa 40: 12-18]
- Giet dengarie mi ngesengesen e Raban ian ta leong beitsak. Puek 1:12-18 [Aposol 4:31, Isa 6:1-5, Ex 33:18-23]

1. E Raban eie a tino rovoriu (Poster 3a)
 - a. Eie a kap man ka tsuoktsuok vakaek ma a kap man ka votovoto. Puek. 22:13 (Puek 1:8, Bu Pak 90:2-6, Bu Pak 93:2)
 - b. Eie mi ka vavagoso ese ta nga vogosongie bu kepineits kokouk. Kap ka mene a nga vogosongie e Raban. Kolose 1:15-16 [Ioanes 1:1-3, Vakavakaek 1:1]
2. E Raban a kap man ka votovoto.
 - a. Eie a ngeisngeis pilang: Eie a oit nia tsana bu kepineits kokouk.
* Sien e Abaram tate nga 99 ken sar rito, mi Nguts a nga tsorubiet sien nge pevien, "Eou mi Raban ngeisngeis rovoriu. Veis i motoung meie ngan kap ka benebeir"
Vaka 17:1
(1) Roma 1:20
(2) [Mataio 19:26] (Bu kepineits kokouk a oit se Raban)
(3) [OT: Iosua 10:12-13 (e Iosua) 2 Kovaka 20:9-11 (e Eetsekia), Kinakir 14: 21-31 (e Moses)]
(4) [NT: Luka 8:22-24, Luka 11:14-20, Luka 5:17-26, Aposol 1:8, Mataio 28:18-19]
 - b. E Raban a telekiran bu kepineits kokouk. Roma 11:33-34. [1 Korin 1:25, Iburu 4:13, Bu Pak 139:17-18]
 - c. Eie a mon sibu korot kokouk simi keipkeipde ra kes. Eie a dengarie bu kepineits kokouk sibu korot kokouk.
(1) Bu Pak 139:7-12; Iburu 4:13
(2) [Ieremia 23:23-24 (Vasa o kap vovosuo mi rangit ma mi mangmagoso enaenamon?)
(3) [OT: Iona 1:3, 2:1-2a]
3. E Raban giet kap oit nia pare, Eie mi moromoru. Ioanes 6:46 [Ioanes 1:18, Kolose 1: 15,19, Iburu 1:3, Ioanes 4:24]
4. E Raban eie mi mei, eie a lalaron va ta pats meie giet, simi vinavinadodogiet. mi piner, ma mi rongrongmetsik. Mark 1:11

B. E Raban eie a kes moir, eiekesen a tour ba mei. (Poster 3b)

1. E Iesu a nga oeng sibu madar tovtov va gi ta tsang sinusuvuir simi asan. Mat. 28:19
 - a. Mi Tam
 - b. Mi Nout
 - c. Mi Moromoru Tamat

2. Man papapaleis e Raban eie a kes ma ba mei tour i aron. Mi Pakpak Leong a vakokoit surie ine sibu korot palan. Sibu ra palan e Iesu a nga vakokoit ngan ine. Se Iburu 1:5-9, e Raban mi Tam a vakokoit surie e Natuon ma simi kitsip 8 a peven ne,

"Oo Raban, ke mogomogos ni vuor ta mon sibu ra bu ra rovoriu" Iburu 1:8

Ine simi kitsip, e Raban mi Tam a vuotongie e Iesu va e Raban! Ine mi tuktuk a potakivout. Bu mei palan ese gi ta nga sorovekenan mi tuktuk, gi nga vakaek nge puitisan mi tuktuk surie ine ba mei tour i aron mi Raban kes.

3. Mi papapaleis kovu simi Pakpak Leong Kabeir

- A. Rorong, evoi Israel, mi Nguts, Ieova, eie kegiet Raban (Eloim, ba mei) eie mi Nguts a kes mo (Ieova) Vinuor 6:4
- B. Samo e Raban a nga pevien, "Giet ta tsana ka mei ta malagiet vemusurie mi patsapatsagiet" Vakavakaek 1:26.
- C. [Vakaek 3:22 Ma mi Nguts e Raban a nga pevien, "Mi ka a te tsorubeit malan mi mei segiet. Eie a telekiran mi kienlei ma mi tsokor.]
- D. [Vakaek 11:7 "Nga namei giet tsour peuk i keim nge vara tsogolivo ngan kegi sar nama terengeien gi ta kap mang telekira gie keskes.
- E. [Isa. 6:8 "Samo o nga rongomie mi inan mi Nguts a nga pevien, 'Ese o ta turan? Ma ese ta veis segiet?']

4. Mi Papapaleis kovu simi Pakpak Leong Vour


- a. Se Matiao 28:19 E Iesu a nga pevien, Io, nga ta veis nge ra tsana mi kuoluon bu vuna enamon kokouk va gi ta tsorubeit kong sar madar tovtov. Io, nga ta tsana mi sinusuruiv segie simi asan mi Tam ma e Natuon ma mi Moromoruo Tamat. Pua ine meie Isa. 48:11.

"O ta kap oit nia sunurie va ka mei mene ta suvuon mong matvinavaso." Isa 48:11.

E Raban a kap ko veapot ngan mi matvinavaso ian va seie. Io sien e Iesu ta nga vakokotie mi sinusuruiv simi asan mi Tam, mi Nout ma mi Moromoruo tamat, ine arie egituo mi Raban kes. Mi nama va "simi asan e ----" eie a tourtelekiran mi ngeisngeis ma mi sinavien ian mi mei.

- b. Simi sinusuruiv se Iesu: Mi Tam ma mi Moromoruo Tamat guor nga tarie keguor sinusinuir, egituo kokouk gituo nga mon. Mataio 3:16-17.
- c. E Iesu a vakokoit surie mi kovan e Raban se Ieoanes 13 ma 14.
 - (1) E Iesu a nga pevien va Eie ta veis ma gi ta kap oit nia vemusurie ne. Ioanes 13:36.
 - (2) E Pilipo a nga pevien "Vasangan segei mi Tam." E Iesu a nga kuil nama, "Sien va nga te pare iou, nga te pare mi Tam." Ioanes 14:8-9.
 - (3) O ta nongie mi Tam, Eie ta turan mi ka ni kuilkUIL. Ioanes 14:16-17.
 - (4) "Mi Ka ni kuilkUIL, mi Moromoruo Tamat, ese e Tamoung ta turan simi asoung," E Iesu a nga pengan segie ine mi ka ni kuilkUIL, arie mi Moromoruo Tamat. Ioanes 14:26a
 - (5) "Egor e Tamoung gor ta me tino seie." Ioanes 14:23b
 - (a) E Iesu a nga pevien va Eie ta muerengei kien simi Tam.
 - (b) Eie ma mi Tam mi sinaviguor a kes.
 - (c) Mi Tam a turan mi mei mene.
 - (d) Ine mi mei mene arie eie mi Moromoruo Tamat.
 - (e) E Iesu ma mi Tam guor ta me tino seie ese ta tovie mi Tam. Sien va egituo mi Tam, mi Nout, ma mi Moromoruo Tamat gituo kap kes, ine mi kepineits ta kap oit nia tsourbeit. Simi vunan sen mi Moromoruo Tamat ta tsegerie ka ka vodovodon tuktuk, egituo ba mei tour simi kovan e Raban gituo mon sien.


- d. Ba mei tour gituo kes moir siba rosar tour. Ioanes 17:11, 21-23 (...malan enatau nata ta kes...)
- (1) Mi pitsuon
 - (2) Mi ngeisngeis nia tsatsang
 - (3) Mi tientoiv.



Vasa e Raban a malan ven?

1. a)


Puek. 22: 13



E Raban a mon rovoriu.
Eie kap man ka tsuoktsuok vakaek
ma votovoto.

1. b)


Kol. 1: 15-16



E Raban a mon rovoriu.
Eie a nga vogosongie bu kepineits
kokouk simi vinagoso.
Kap ka mei a nga tsana e Raban.

2. a)


Rom 1: 20



E Raban a kap man ka
votovoto.
Ken ngeisngeis a leong
rovoriu. A oit ni tsana bu
kepineits kokouk.

2. b)


Rom. 11: 33-34



E Raban a kap man ka
votovoto.
A telekiran bu kepineits
kokouk. Kap ka kepineits a
oit nia kokoiv sien.

2. c)


Bu Pak
139:7-12
Ibur. 4: 13



E Raban a kap man ka
votovoto.
A mon sibu korot kokouk.
A dengarie bu mei kokouk;
A mon sibu korot kokouk
simi keipkeipdera kes.

3.


Ioanes 6:46



Giet kap oit nia pare e Raban.
Eie mi moromoruo.

4.

Marko 1: 11




E Raban eie mi mei.
Giet oit nia beser palapalan meie. -
meie ngan mi vinavinadodo, ke piner,
ke rongrongmetsik

**E Raban eie a kes,
eiekesen
ba mei tour.**


**Deut. 6: 4
Vaka. 1: 26**

**Ioan. 13: 36
Ioan. 14: 8-9
Ioan. 14:16-17
Ioan. 14: 26
Ioan. 14: 23**



**E Raban tour a kes
gituo tsatsang kokouk
ine siba rosar:**

- 1. Mi ngeisngeis**
- 2. Mi tsukatsukan**
- 3. Mi tientoiv**



Mi Vinasengei 4: Mi tsinatsangan e Raban vasa a ko ven?

Vuna venvendon: Palan ken sar ngeisngeis e Raban, giet kap oit nia suvuon, eiekesen giet oit nia suvuon mi menagos meie e Raban. Eiekesen e Raban a oeng segiet va giet ta ngas to leong i aron mi tientoiv ma mi teletelekirei surie magiet Nguts e Iesu Karisito. (2 Petro 3:18). Giet tsana ine sien giet ta suvuon mi sinavien e Raban ian mi tientoiv ta muongan. (1 Korinto 13:13, Iakobo 2:8, Ioanes 15:12) Kegiet teletelekirei surie mi sinavien e Raban a potokivout nian kegiet vineis simi vodovodon tuktuk.

A. E Raban eie mi tientoiv


1. E Raban a ko tsana bu kepineits kokouk ngan mi tientoiv. 1 Ioanes 4:8, 16 [Ioanes 3:16-17]
2. Mi tientoiv a ko vile misana kepineits ian ta kulie beitsak bu mei mene. Pilipo 2:3-8 [1 Korin 13]
3. Ba mei tour kokouk gituo ta vabatie e Raban, egituo kokouk mi tientoiv.
 - a. Mi Tam: Ioanes 3:16 [1 Ionaes 4:10-11; Roma 5:5; Roma 8:39; 2 Korinto 13:14; 1 Ioanes 2:15]
 - b. E Iesu: Ioanes 15:9 [Epeso 3:17b-19; 2 Korinto 5:14; Roma 8:35]
 - c. Mi Moromoruo Tamat: Roma 5:5 [Roma 15:30; Gal 5:22]

B. Mi kulou gi ta ngas vemusurie mi sinavien e Raban simi sinavei nia totoiv.

Epeso 5:1-2 [1 Korin 13; 1 Korin 16:13-14; 1 Ioanes 4:8]

C. Mi sinavien e Raban nia vasangan ken tientoiv

1. Ken tientoiv e Raban a vabatie ine bu banga sinavien kokouk.
2. E Raban eie:
 - a. A ko tuktuk simi namanien, ken vinakokoit a ko duis rovoriu. Ioanes 14:16-17 [Ioanes 1:14; Ioanes 8:42-46; Bu Pak 89:34]
 - b. A suvuon mi banga venvendon: a ko tsatsang ngan ken sinavei simi tientoiv. Iakobo 3:17 [Marko 6:2; 1 Korin 2:7-8; Ieremia 51:15]
 - c. A ko duis: A ko munu tsanga misa ta duis. Iburu 1:8-9 [2 Tes 1:5-7; Roma 2:5; Vinuor 32:4]
 - d. A ko aor molous: A ko vasagan mi kienlei segie ese gi ta kap otien nia suvuon ian mi kienlei. Epeso 2:4-5 [Tito 3:5; Iakobo 5:11; Bu Pak 86:5]
 - e. A ko tuktuk: Eie a ko tsang vaotie bu kepineits kokouk ta vakokotie. Iakobo 1:17; 1 Tim 2:13 [Isaia 49:14-16; 1 Tes 5:23-24; 1 Korin 1:9]



D. Se Epeso 5:1, a vokokotie segiet va giet ta ngas tino vemusurie mi sinavien e Raban.

1. Vasa, a oit va giet ta mon sibu korot kokouk simi keipkepidera kes malan e Raban? A kap.
2. Vasa, a oit va giet ta telekiran bu kepineits kokouk malan e Raban? A kap.
3. Vasa giet ta oit nia vemusurie ven mi nama se Epeso 5:1? Giet kap oit nia puapua e Raban eiekesen giet ta ngas tino vemusurie mi sinavien e Raban.

E. Mi ngeisngeis ian ta vasore mi tsinatsangan e Raban arie Ken tientoiv.

Io, eie arie mi pitsuon ken tino e Raban. Ken sinavei, Ken banga venvendon, Ken aor molous, Ken sinavei duis, Ken sinavei nia tsang vaotie bu namanien, ma mi tuktuk seie. Ine bu sinavien kokouk, mi sinavien ian ta tamat rovoriu a me votsok kakugie kokouk. Ine bu kepineits kokouk a me tsana e Raban va a dokei rovoriu. Eie a ko lalaro baser palapalan meie mi ka ma mi vevien simi vunan eie a oit nia tsourbeit palapalan meie mi mei keskes ma ta tourpats meie. Simi vunan eie a oit nia beser palapalan meie bu mei keskes ma a tamat, ken aor molous a me venvenoit meie ken sinavei duis. Eie a ko vodon rivie kegiet sar sinavei tsokor simi vunan ine bu sinavien gi ko tsatsang kokouk meie mi sinavien ian ta tamat rovoriu.


F. E Raban eie a tamat 1 Ioanes 1:5

1. Mi tino tamat eie mi tino ivie mi mei ta tino ngan mo mi tientoiv. Iakobo 3:17.
2. Mi tino tamat eie mi sinavei nia tuir peken o kekineits sorvekenan mi tino simi mangmagoso enamon. Epeso 4:25.
3. Mi tino tamat kap ka benebeir a mon sien ma a melemelen. Epeso 1:4 [1 Petro 1:14-16, Bu Pak 24:3-4]
4. E Raban a kukuo giet nia tino tamat malan eie ta tamat. Iburu 12:14, Mataio 5:48
5. Eie a vakvakariem nia vabatie mi tino tamat i aron kegiet sar tino. 2 Tim 2:13, 1 Tes 5:23-24.
6. Giet tsatsang kokouk meie e Raban nia vabatie ine bu vevekeis. Pilipo 2:12-13; Roma 8:28-29. Ine mi sinavei nia tsasang kokouk e Iesu a nga pevien va a molous. Mat.11:28-30. Nia tsana mi sinor ta molous, ba mei kokouk guor ta ngas tetei matan veie mi rosar kes.

E Raban a Tamat

1 Ioanes 1: 5

E Raban a ko tuktuk
ma a ko tsang vaotie ken nama.
Iakobo 1:17; 2 Tim. 2:13



E Raban a ko tuktuk
Ken vinakokoit a duis rovoriu.
Ioan. 14: 16-17

E Raban a aor molous
nge gie ese gi ta kap kelei
oit nia suvuon ken aor
molous.

Epeso. 2: 4-5

E Raban a dokei,
a munu tsana misa ta duis.

E Raban a suvuon mi
banga vienviendon,
a ko tsatsang ngan mi tientoiv.

Iakobo 3: 17

Iburu. 1: 8-9

E Raban eie
mi Tientoiv.

1 Ioanes 4: 8, 16
Pilipo. 2: 3-8

Mi Vinasengeti 5: Vasa giet ta oit nia baser palapalan ven meie e Raban?

Mi Vuna venvendon: Nia vabatie mi banga menagos ni beser palapalan meie e Raban, giet pinat surie ta palan bu keipkepide ra nia mon tsok meie, sibu nono ma nia menisan mi Pakpak Leong. Ine mi vinasengeti a palasie bu rosar nia vabatie mi banga menagos tsok meie e Raban.

A. Ine are mi vunan e Raban ta nga tsana giet surie, va giet ta beser palapalan meie Eie.

1. E Iesu a vakokoit surie ine mi suada banga beser palapalan meie e Raban . Ioan 15:13-15; Ioan. 17. [Iakobo 2:23, Mat. 11:19, Bu Pak 25:14, Kinakir 33:11]
2. Menise surie ken tino e Iesu. (Eie a nga nemei nia tsang vaotie ken sar lalaron mi Tam) Ioan. 5:19, 30; 6:57; 8:28; 12:49; 14:10; Mark 1:35)
3. Man pinopinouts e Maria ma e Mata Luka. 10:38-42.


B. Ine are bu kepineits ta vabatie mi beser palapalan (Poster 5a, mi korot 1 ma 2)

1. Giet vakokoit rakot se Raban i aron bu nono. (Poster 5b)
 - a. Giet pinat surie mi sinavei nia vilikitie giet nge mon menemenen i matan e Raban. Mat. 6:5-6 ma ngan mi tuktuk. Mat. 6:7.
 - b. Misa giet ta oit nia tarie sibu nono? Mat. 6:9-13 [Luka 11:2-4]
 - (1) Rangarie kts. 9
 - (2) Menise vititirie ke tino kese ma no surie bu mei mene. kts.10
 - (3) Nongie kts.11
 - (4) Mi ni vodon vuris ma mi vodon ririv. kts. 12
 - (5) Mi tino simi moromoruo ian ta tseiptsepiruo bu konokonon. kts.13
 - (6) Mi kepineits ian ta potakivout sibu nono, eie mi sinavei nia vakokoit ngan mi tuktuk, malan mo simi sinavei nia beser palapalan buer. Bu Pak 139:4-13.
2. Bu rosar ian e Raban ta ko vakokoit ngan segiet. (Poster 5c)
 - a. Mi menagos ni beser palapalan a pinat surie nia vakokoit meie ma rorong sien. Ioan. 10:27
 - b. Bu suada rosar e Raban ta ko vakokoit ngan.
 - (1) Mi Pakpak Leong 2 Tim 3:16-17, [Bu Pak 119:105]
 - (2) Mi ien menemenen i aro o, simi vinavinadodo. Aposol 8:29
 - (3) Nongie mi banga venvendon simi kuoloan e Raban. Aposol 8:34-35
 - (4) Bu suada baitutuir ta beit. 1 Korin 16:8-9(
 - (5) Bu kepineits ta kap vemusurie mi vinuor simi vinagoso; bu angelo; bu baidedeng/binorea, bu totourlekier ni vovokudier.
Aposol 5:19-20 Ba Aposol guor veis ketseketseng sorovekenan mi vona vinatoreis.
Aposol 10:9-16 E Petro a nga dengarie mi baidedeng kovuni se Raban.
[Luka 2:9-10 bu angelo gi nga vavatei ngan ken kienakav e Karisito]
[Aposol 16:25-30 Gi nga vara ketseketseng ngan e Paulo meie e Silas simi vona vinatoreis]
[Aposol 12:5-11 E Petro a nga rovotsour simi vona vinatoreis simi rosar ni vovokudier.]
[Aposol 9:3-4 Mi ien kovuni simi rangit a nga vakokoit se Paulo.]
[Kinakir 3:2 Ken angelo mi Nguts a nga beit se Moses i aron mi berber i popon mi ei.]
[Aesaes 22:28, 32 E Raban a nga vakokoit se Balam i ngutsuon mi dongki.]
 - (6) Mi rongrongmetsik ma mi molu simi aor. Pilipo 4:6-7; 2 Korin 2:12-13

- c. Kono gie ine: Bu kepineits kokouk e Raban ta vokokotie a toun meie mi Pakpak Leong. Sien va a kap toun meie mi Pakpak Leong, e ta telekiran va a kap kovu se Raban. Aposol 17:11; Iakobo 1:17.
3. Vodon surie mi sinavei nia vodon menisan mi Namanien e Raban (Poster 5a, mi korot 3)
- a. Bu Pak 1:1-3 [Iosua 1:8]
 - b. Misa mi vodon menisan? Pilipo 4:8 (man vuevue mi nama va 'tsana gie simi asan mi Nguts', eie va 'tsana gie vemusurie mi sinavien') [Kol 3:16-17]
 - c. Vasa e ko vodon menisan ven mi Namanien e Raban?
 - (1) Nongie mi Moromoru Tamat va ta vasangan mi tuktuk ma ta tarie mi lalaron nia vodon menisan. Suvuon kovo keipkepide ra nia vodon surie mi Namanien. Ioan 16:13; Ioan 5:39.
 - (2) Vosuoreie no kese ngan ine bu virevirei:
 - (a) Misa ine mi korot simi Pakpak Leong a pengen seou surie e Raban?
 - (b) Vasa ine mi korot a kuil venenga iou? Vasa, kovo nama ngeisngeis, kinubuits, o, namani venengeng a mon?
4. Mi minangarei o, mi rengeir. (Poster 5a, mi korot 4)
- a. Mi pitsuon mi rengeir: Giet vuot kelei se Raban surie Eie ese ma misa a nga tsana.
 - b. Mi rengeir a kap mo va mi namanama, eie mi saran mi tino. 1 Tes 5:16-18.
 - c. Mi rengeir a patsal meie vasa giet ko vodon venengan bu mei mene. Mat. 12:7; Mat.5:23-24
 - d. Mi vinaven mi rengeir: Mi tientoiv, Mi sinavei nia tor susuir, mi sinavei nia tsatsang se Raban.

C. Terie sikeget tino:

1. I aron bu nono, no ngan ine mi nama ta mon simi Pakpak Leong va eie ta vara puputungie ke vinakokoit malan ne, "Mi Nguts eie mi banga ka nennei sipsip"(Bu Pak 23), "Mi Nguts, evoi kong ka nennei. E ko naneie iou ma e ko vaotie kong sar pinat kokouk. E ko nesie iou sierva o ta veis bebeir. Ma e ko sorkie iou ngan ba rima. E ko naneie vakaleie iou..."
2. Man sar venvendon teteir bu ra keskes ivie e ta no surie. Malan, Made: no surie ke tietie, Tude: bu palapala, Tride: mi kuolaon e Raban, Pode: mi vuna enamond i PNG, Praide: mi mangmagoso enamond. (o, ka kantri mene)
3. Vodon menisan mi nama se Pilipo 4:6-7 ma e ta vatoro misa e Raban ta vokokotie.
4. Vataro ka pakapaka rorou tientoiv rakot se Raban.



Giet vakokoit rakot se Raban i aron mi Nono

1.




Mi Rengeir
(k. 9)

2.



No surie bu mei mene
(k. 10)

3.



Nongie
(k. 11)

4.



**Mi vodon vuris
ma mi vodon
ririv (k. 12)**


5.



**Mi tino nia
tseiptseiprio
bu konokonon
(k. 13)**

Bu Rosar e Raban a ko vakokoit ngan

1.



Mi Pakpak
Leong

2 Tim. 3: 16-17

2.




Mi ien
i aro

Aposol 8: 29

3.


Mi vinavanou
kovu simi kuolaon
e Raban



Aposol 8: 34-35

4.

Bu suada
baitutuir



1 Kor. 16: 8-9

5.



Bu baidedeng, bu binorea

Aposol 5: 19-20

Aposol 10: 9-16

6.

Mi Molu
i aro

Ioan. 14: 27

Pilipo 4: 6-7



Giet ta ngas pua gie meie
mi Namanien mi Nguts Aposol 17: 11

Mi Vinasangei 6: E Raban a nga tsana giet meie ngan ken venvendon teteir nian kegiet sar tino keskes.

Vuna venvendon: Ine mi vinasangei a vokokotie mi vunan e Raban ta nga tsana giet ma vasa a vodon veleongtie giet ven. E Raban a nga tsana giet vemusurie mi patsapatsan ian mi teletelekirei simi tino, mi venvendon, mi piner, ma mi rongrongmetsik. E Raban a nga tsana giet malan ne, terengien va giet ta mang suvuon mi banga menagos meie ma mi kulou mene buer.

A. Mi Pakpak Leong a vakatsepa giet va e Raban a suvuon ine ba kepineits:

1. Mi venvendon- Vakavakaek 1:1 (mi vinagoso a pinat surie mi venvendon ma mi vodovodon)
2. Mi piner (mi piner nia viviel nian mi tino) Vakavakaek 6:7
3. Mi rongrongmetsik (Vakavakaek 6:8)

B. E Raban a nga vakokoit nge vabatie mi matanias, mi vura, bu kaemkaem, mi kaber, mi uivuiv nian mi tino, mi biniv, ma bu vinavinar! A nga tsana gie ngan mo mi Nama.

Ma e Raban a nga peven, "Mi taparang ta tsorubeit," Io, mi taparang a nga beit. E Raban a nga pare mi taparang a nga kalei beitsak, ma a nga por tsana mi taparang vekenan mi ngingi. Ma e Raban a nga tour asan ngan mi taparang "mi ra," ma mi ngingi a nga tour asan ngan "mi kati." Io, a nga kati ma a nga vo ra. Ine mi ra yourvour. Ma e Raban a nga peven, "Mi kientsep ta tsorubeit nia potakie mi da va ta tsorubeit ba da luo." Io, e Raban a nga vabatie mi kientsep ma a nga terie mi da kes i popon ma mi da ka eie i pakien ine mi kientsep. Ma a nga tsorubeit malan. E Raban a nga tour asan ine mi kientsep ngan "mi mariu". Io, a nga kati ma a nga vo ra. Ine mi ra a luongan." (Vakavakaek 1:3-8)

C. Eiekseen e Raban a nga bua mi ka ngan mi pier simi kaber ma mi vevin a nga tsana ngan mi rusrus kes simi ka. Ine a vasangan segiet va mi kulou egie mi suada vinagoso ian ta kekineits ngas te, e Raban ta nga tsana.

Io, e Raban Ieova a nga bua mi ka ngan mi puit simi pier ma a nga kuiv terie siba mata pipiusuon mi uivuiv nian mi tino, ma ine mi ka a nga tino. (Vakavakaek 2:7)

Io, e Raban Ieova a nga tsana va mi ka ta nga muang tsotsoroiv, ma sien ta nga vor ve muamuang, e Raban a nga por tsana mi rusrus kes simi ka nge tsotsongie ian mi korot te buer ngan bu pineits.²² Samo e Raban Ieova a nga tsana mi vevien ngan ine mi rusrus ta nga por tsana simi ka, ma a nga keir nemei ngan simi ka. (Vakavakaek 2:21-22)

Samo, e Raban a nga pevien, "Giet ta tsana mi ka vemusurie mi patsapatsagiet. Ma egie gi ta vuortie bu ie i rou ma bu ma simi mariu ma bu vinavinar tavanuo, ma mi kaber kokouk, ma bu vinavinar gi ta gagaom simi kaber. (Vakavakaek 1:26)

1. E Raban a nga tsana giet vemusurie mi patsapatsan. Iakobo 3:9
2. Mi ka ma mi vevien eguor guor tsiroup rio bu vinagoso kaie. Vakavakaek 1:26-28

D. E Raban a nga tsana mi ka meie mi vinavinadodon, mi piner, ma mi rongrongmetsik.

1. Mi vinavinadodo Pilipo 1:9
 - a. Mi vinavinadodogiet ta otie giet va giet ta oit nia vodovodon.
 - b. Mi vinavinadodogiet eie a vunan mi ngeisngeis nia vabatie kovo kepineits your.
 - c. E Raban a nga tere segiet mi ngeisngeis nia vodon vangvangse bu kepneits, terengien va giet ta mang oit nia tovtov ngan nge vavasangei ngan.
 - d. E Raban a nga terie segiet mi ngeisngeis nia vakokoit ma nia vokokotie bu suada nama, terengien va giet ta mang oit nia vakokoit meie bu mei mene.

- e. E Raban a nga terie segiet mi baivinekier nia kulie giet nia viviel. (Rom 2:14-15).
 - f. E Raban a nga terie segiet mi baivinekier ma mi ngeisngeis nia telekiran Eie. (Rom 1:18)
2. Mi piner. Mi ngeisngeis nia tsana mi viviel (Pilipo 1:10)
 - a. Man vueue mene: mi ngeisneis nia vile vasa giet ta tino ven.
 - b. Giet ta ngas oit nia viviel, terengien va giet ta mang suvuon mi menagos meie bu mei mene. Mataio 7:7-8
 3. Mi rongrongmetsik: mi ngeisngeis nia rongmetsikien mi nires, mi aor tsak, mi mesirik, mi mentou, mi aor rarap. Pilipo 4:4-7
- E. Mi vinavinadodon mi mei, mi piner, ma mi rongrongmetsik gituo tsatsang kokouk. Kolose 3:15-16. I aron ine ba kitsip a vokokotie, "simi aro" a vokokotie mi rongrongmetsik, "mi banga venvendon" a vokokotie mi tsinatsangan mi vinavinadondo, "vavasengei nge vanuo" eie a vokokotie mi saran mi viviel duis giet ta tsana ngan kegiet piner.
1. Mi tientoiv eie mi sinavei nia vile mi kenlei nian man kelekelei mi mei mene. Mi piner a tsana ine. (Mat.22: 37-40, Mat.10:41-42)
 2. Surie giet te suvuon mi piner, giet ta oit nia vile nia vemu surie e Raban o purusie.
 - a. Giet oit nia purusie e Raban. Rom 1:21
 - b. Giet oit nia vile nia vodovodon tuktuk se Iesu Karisito. Rom 3:22
 3. E Raban a kap ko lalaron mo ka ka o, ka vevien, o, ka suada kuirkuir, o ka suada vunanama. (Gal 3:26-29)
- F. Surie misa e Raban ta nga tsana giet?
1. Va giet ta mang tino ngan mi banga menagos meie e Raban ma bu mei mene. Aposol 4:32-33; Kol 1:3-4.
 2. E Raban a suvuon ken venvendon teteir nian kegiet sar tino. (Epeso 2:10)
 3. Mi kulou gi potakivout beitsak i matan e Raban. (Ioanes 3:16, 1 Petro 1:17-19)
 4. E Raban a nga tsana giet, e giet keskes giet kap venvenoit. - Mi kulou vodovodon tuktuk kokouk e Raban a tarie segie keskes bu suada tenebeir simi moromoru. Ine bu tenebeir va segiet nia tsatsang meie bu mei mene. Terengien va giet ta mang tsourbeit pitak sikegiet tino simi moromoru. (Epeso 1:13, 1 Korinto 12:7), (1 Petro 4:10, 1 Korinto 12:7-11)

E Raban a nga tsana giet meie ngan ken vuna venvendon teteir

E Raban a nga tsana giet
vemusurie mi Patsapatsan.

Iakobo 3: 9



1. Mi Vinavinadodo

Pilipo. 1: 9

2. Ke Piner

Pilipo. 1: 10

3. Ke Rongrongmetsik

Pilipo. 4: 4,7

3. Ke Rongrongmetsik



2. Ke Piner



1. Mi Vinavinadodo


**Surie
misa e
Raban
ta nga
tsana
giet?**

Gal. 3: 26-29

Aposol 4: 32-33

Kol. 1: 3-4

Epeso 2: 10



**Mi kulou
gi
potkovout
beitsak
i matan
e Raban**

**Nia tino ngan mi tino ian ta matmatot
meie e Raban ma bu mei mene.**


Mi Vinasengei 7: Ken sar vinuor e Raban si ken tientoiv

Mi vuna venvendon: E Raban a nga terie mi vinuor, terengien va giet ta mang telekire surie ken sinavei ta tamat. Ine bu vinuor a pengen segiet buer vasa giet ta oit nia tino ven vemuusurie ken venvendon teteir e Raban. Ine simi suada tino, giet ta oit nia suvuon man kelekelei ma ta varse e Raban.

- A. Simi ra mene , gi nga vereie E Iesu va mi sana vinuor eie a tsiroup. Ken nama kuilkuil a mon se Mat. 22:36-40.
- B. Mi sinangavur kes bu Vuna Vinuor, e Raban a nga terie nia vasangan segiet vasa giet ta ngas tino ven. Ine arie bu tieng iva ta vabatie mi molu. Kinakir 20:1-7.
 - (1) Ine bu vuna vinuor a vasangan segiet vasa giet ta ngas tovie ven e Raban.
 - (a) Mi tientoiv vourvour se Raban
 - (b) Kap ka raban bitbit
 - (c) E ta kap oeng balapoek ngan mi asan e Raban
 - (d) Mangaran mi ra golgol
 - (2) Ine bu Vuna Vinuor a vasangan segiet vasa giet ta tovie ven bu mei mene.
 - (a) Mangaran bu tam ma bu kien
 - (b) Kian mi kiden
 - (c) Kian mi rei puer
 - (d) Kian mi pinuer
 - (e) Kian mi binit
 - (f) Kian mi aor tsakan ken kepineits mi mei mene.
- C. Mi sinangavur kes bu Vuna Vinuor eie mo mi korot mene simi vinuor. A oit mi 613 bu vinuor simi Pakpak Leong Kabeir. (Rabbinic Law)
- D. E Iesu a nga oeng vakatsepa segie va gi kap nga telekire vititirie man tsientsang bu vinuor.
 1. Sien va e ta karto e kisi, e te rov derka mi vinuor mi nepeririem potsu kes ngan (#6) ian ta peven, "Kian mi kiden". Mat. 5:21-22
 2. Sien va e ta aor dirka, a kokouk mo malan e te rov derka mi vinuor mi nepeririem potsu luo ngan (#7) ian ta peven, "Kian mi rei puer" Mat.5:27-28
 3. Mi Vinuor a peven, "E ta tovie e palapala malan e ta tovie no kese." [Lev 19:18] Kegi vinuor bu Iuda ian ta kap kovu simi Pakpak Leong a peven, "E ta tovie e palapala ma e ta karto ma matakorot." E Iesu a nga vodusie ine mi nama nge peven va gi ta ngas tovie magi sar matakorot ma gi ta no surie gie buer. Mat.5:43-44
- E. E Raban a nga tsanga giet va giet ta mang:
 1. Tovie e Raban ma Eie ta mang tovie giet. Mat.22:37-38
 2. Ma giet ta tovie bu palapalagiet. Mat.22:39-40
- F. Eie ese ta vemuusurie bu vinuor kokouk, eiekesen ta kor mo si ka vinuor kes, eie a te rov derka mi Vinuor. Iakobo 2:10 (Sienna mi suo ta mout, a kap man ka tsientsang te buer.)


Bu mei mene gi vodon va gi ta oit nia vemusurie bu Vinuor mi sinangavur kes kokouk.

E Iesu a nga vasangan segiet va giet kap oit nia vemusurie vititirie bu Vinuor kokouk.



- G. Ken sar vinuor e Raban a vasangan segiet mi banga rosar nia tino vemusurie ken lalaron e Raban.
- H. E Iesu a nga peven, "O nga nemei nia tsang vaotie mi Vinuor," - Eie a nga vemusurie vititirie bu vinuor. Mat.5:17; Ioan 8:46
- I. E Iesu a peven va giet kap oit nia vemusurie vititirie bu vinuor kokouk. Io, mi vinuor a mon nia veseve no, ma buer nia vasangan ken tino tamat e Raban. Giet kap suvuon mi vavato surie va giet vemusurie mi vinuor.
Mi Vavato a malan ne,
1. Ngan mi vodovodon tuktuk giet te ketseketseng sorvekenan mi sinavei tsokor. (Epeso 2:8-9)
 2. Mi Vavato eie mi tenebeir. (Tito 3:5-6)
 3. Giet te ketseketseng sorvekenan mi sinavei tsokor? Rom. 6:15-18 [Rom. 5:1-6]
 4. Mi sana giet ta ngas rorong surie? Ioan. 15:12, 17.
 5. Sien egiet te mi kulou vodovodon tuktuk, vasa giet ta vemusurie ven mi vienesen e Raban? Gal 3:2-3
 6. Eikesen gi te buer nga pengan segiet, "Mi kulou duis gi ta tino ngan mi vodovodon tuktuk." Gal 3:11, a peven 'Eie ese ta tsorubeit duis i matan e Raban , eie ta tino ngan mi vodovodon tuktuk.'
 7. Giet te tsourbeit ketseketseng va giet ta kap mang tino petspets simi vinuor. Gal 5:1
 8. Vasa, mi vinevineken a te voto? A kap. Gal. 5:16-18 [Rom. 7:15, 19; Pilipo 3:12-14]
 9. Vasa giet ta oit nia tseiptseiprio ven mi vinevineken? Mi vinasengei 14 ma 16 guor ta ba vakokoit surie ine.
- J. Bu vinuor kokouk gi vunan mo simi poko nama "Tientoiv" Rom 13:8-10 [1 Kor 13]
1. Mi tientoiv eie nia viviel nian man kelekelei mi mei mene. Eie mi vivivel mi mei ta tsana. Mat. 22:15-21
 2. Mi tientoiv a oit nia vabatie mi vinavasor, eikesen kap va mi tsienkor. Mi Puppuo: Mi porpor eiv ta tsikie no sen va e ta morouk, eie ta vavasor eikesen ta kulie no, a kap va ta terie mi tsienkor sevoi.
 3. E Iesu a pengan segiet va giet ta ngas tovie nge no surie magiet sar matakorot (Mat.5:44-45)
- K. E Raban mo a oit nia kulie giet nia tsana ine. Ioan. 15:4

Ken Vinuor e Raban siken Tientoiv



Kinakir. 20: 1-17

Mat. 5: 21-22, 27-28, 43-44

Rom. 13: 8-10

Mat. 5: 17

Gal. 5: 18

**Ken sar vinuor e Raban a
vasangan mi saran mi tino
vemusurie ken lalaron.**

**E Satan
ma
mi Sinavei Tsokor**

Mi vinasengei 8. Ese e Satan ma ken sar sana suada sinavei?

Mi vuna venvendon: Ine mi vinasengei a vokokotie mi tsinatsangan e Satan ma ken sar suada sinavei. A vokokotie va e Satan eie ese, ivie a kovoni en. A vokokotie buer ken sar tsaka venvendon teteir nian kegiet sar tino. Ma a vokokotie buer bu rosar e Satan ta ko vemusurie nia tsang vaotie ken sar tsaka venvendon teteir.

A. Ese e Satan ma ken sar sana suada sinavei? (Poster 8a)

1. E Raban a nga tsana e Satan, eiekeseen ian mi sinavien e Satan nia vakam a nga vunan si ken kinor kovu siken minagos i kur beitsak. Ezekiel 28:14-15, 17 (Puek 12:7-9)

O nga vile no malan va evoi mi angelo nia nenei. E nga mon siken pout tamat e Raban ma e nga veis i kotubuon bu vunavout ta rar mat kelei beitsak. E nga melemelen simi sinavi vakaek simi ra o ta nga tsana no tuir oit mi sinavei tsak ta nga monongie no... Mi aro a nga vous ngan mi sinavei nia vakam simi vunan e nga mat kelei, ma e nga tsang vatsakatie ke vuna sinavei leong surie ma matvinavaso. Io, o nga tomeka no peuk i keim simi kaber. Ma o nga sunuir va e ta nga tsourbeit mi kepineits ni vinavangiets i matan bu kovakova ke leong. Ezekiel 28:14-15, 17

- a. E Raban a nga tsana e Satan va ta nga mat kelei, ma a nga terie sien mi baimogomogos asna ma mi menagos ketseketseng. Eiekeseen e Satan a nga tsana ken venvendon nia rongtsak se Raban ese ta nga tsana. Ma a si nga tsatsang ngan ken menagos ketseketseng va ta nga tsana mi sinavei tsokor.
 - b. E Satan eie man raban ine bu ra, arie ine mi mangmagoso enaenamon ian tate nga tsokor. 2 Kor 4:4 [Gi vuotongie buer va eie man ka leong ine mi kaber. Ioanes 12:31; Ioanes 16:7-11]
 - c. E Satan a ko nesie bu mei nia keda nge soba. 1 Petro 5:8.
 - d. Mi mentou eie ken eon mene e Satan. 2 Tim 1:7
2. E Satan eie e taman bu binit kokouk. Ioanes 8:44 (Poster 8b)
 - a. E Satan a ko tsorubeit vasvas malan va mi angelo simi berber. 2 Kor 11:14
 - (1) Mi ie ta vitor a lalaro nganie mi kunkun ian gi ta varamo ngan simi pokoa uil. Eiekeseen senva ta nganie ne mi kunkun eie ta tsutsuok simi pokoa uil.
 - (2) I India gi ko rakopie bu mogi senva gi ta tsana ka mat lili sika niu ma gi ta pal terie sen ka suo o, ka tsen nge votie kavo vunavout lili i aron mi niu. Mi mogi ta veis nemei, io, sen a lalaro telekiran misa a mon i aron mi niu, ta poro mi riman nge tsure votie simi niu nia poro bu vunavout. Sen va tate pomtie mi riman, ta kap ba buer oit nia teie tsana mi riman simi nutu mat ian simi niu. Eie tate koroit ma ta kap oit nia vi te simi vunan ian mi niu gi pal vangse simi ei ma mi mogi buer ta kap lalaron nia parse riem rivie bu vunavout, misasin va ian mi sinaven ta vabasa ken tino.
 - (3) Mi wolf (mi kopuen tso leong) a ko mon simi korot tuong beitsak. Ese mei va ta lalaro nesie nge ken vamte mi wolf ta oit mo nia puonongie ka sele simi ais (ice) ma mi ngutuon mi sele ta tsotsok rovtsour. Io, ta poro mi dar nge mirie ngan. Mi wolf ta nemei nge daemkie mi dar. Sen va ta daemkie mi dar, mi sele ta tava mi karamen. Eiekeseen ta unumie mi daran kesen, ma ta masien mi poitpoit nge dar.
 - b. Mi sinavei tsokor eie a malan mi mereu simi pokoa avuil ian ta vogomutie, o, mi tsen ian ta rakape, o, malan mi kepineits va ian ta tava giet. Rom 6:23 (Gal 6:1; Iburu 12:1)
 - c. E Satan a ko tsatsang malan ngan o, a ko vara matbou ngan bu banga kepineits e Raban ta tsana gie. Surie ine mi tsinatsangan giet kap ko tsatsang duis ngan ine bu banga kepineits ma gi ko tsorubeit bu kepineits nia vabasa giet.

Mi puppuo	Mi saran duis	Mi sinavei nia kap vemu surie mi saran ngan surie mi sinavei tsokor
Mi sinavien mi ka ma mi vevien guor ta mutur kouk	Ine mi sinavei, eie simi rei mo. (beser tamat rei)	Mi sinavei nia tsokore; Mi sinavei nia matakaoem; Mi sinavei nia rei puer
Mi lakep	Nia naneie giet sikegiet sar pinat.	Mi sinavei nia lalaron mi lakep. Mi sinavei nia bike lakep. Mi sinavei nia bonbon nguts ngan.

3. Ine arie ken sar vuna vienvendon e Satan surie giet.
- a. E Satan a lalaro puer, keda nge tsang vatsakatie bu banga kepineits e Raban ta terie segiet. Ioanes 10:10. (Ine mi pokonama 'mi ka puerpuer', gi nga tutuo ngan e Satan ma mi kuolon.)
 - b. E Satan a ko bitie mi mangmagoso enamon. Puek 12:9
- B. E Satan a ko tsatsang ngan kegiet sar pinat ma a lalaron nia riko giet. (Poster 8c)
1. Ken lalaron mi ka: mi sinavei nia kap vemu surie mi saran duis (mi sinaven mi ka ma mi vevien guor ta mutur kouk, mi da ngeisngeis, mi nginonginou) 1 Ioanes 2:16.
 2. Mi sinavei mat konom: mi lalaron surie bu suada kepineits, mi lakep, bu kepineits nia suv simi pirpir. 1 Ioanes 2:16 (1 Tim 6:9-10)
 3. Mi sinavei nia vakam ngan mi tsantsang o mi sinsuv - mi ngeisngeis ma ken baimogomogos. 1 Ioanes 2:16.
 4. Mi mentou: Mat.10:28
 5. Mi sinavei nia vekapot i kotubuon bu tietie meie bu palapalan. Iakobo 3: 9-10.
E Satan a ko lalaro tsang vatsakatie mi banga menagos.
 6. Mi sinavei nia vabatie mi vinekapot simi kulou vodovodon tuktuk. Iakobo 3:14-18. E Satan a ko lalaro tsang vatsakatie mi banga menagos.
 - a. Mi sinavei nia vekapot i kotubuon bu mei i aron mi vona rengeir kes.
 - b. Mi sinavei nia vevepen nge kap tsatsang kouk i kotubuon bu mei i aron bu susuada rengeir. Iakobo 4:11-12, Kol 3:12-15.
 - c. E Satan a ko lalaro potokie mi menagos ni baser palapalan. Eie man matakorot mi sinavei nia vodon ririv, mi sinavei nia aor kes ma mi sinavei nia tuir kokouk.
Evoi e tuir simi benengeiv se ese?
- C. E Raban a suvuon mi banga vuna venvendon nia giet.
1. " Mi Nguts a pevien, 'Surie o telekiran kong venvendon teteir nian kenga sar tino, ian mi venvendon nia tsana no va e ta suv ma kap va nia tsang vatsaktie no, ma terie sevoi mi ngeisngeis nia vodon rorrois simi kepineits e ta kap ngas pare ma nian misa va e ta ba so suvuon i muir.'" Ieremia 29:11
 2. Ese ta so tseiptsepirio mi minakiur? Rom 8:37-39.

Ese e Satan ma ken sana sinavei?

E Raban a nga tsana : Ezek. 28:14-15, 17

- E Satan eie man raban ine bu ra: 2 Kor. 4: 4
- A nesie ka mei va ta soba: 1 Pet. 5: 8



1 Pet. 5: 8 “Nga ta ngas vuor vakalaie kenga sar tino nge mat panpan.” Kenga matakorot, e Satan, a veririu malan mi laion ese ta kengeir nge nesie ka mei va ta soba.




**Ken sinavei mene
e Satan eie mi
mentou.**





**“E Raban a kap nga terie segiet mi
moromoru simi mientou, eiekesen
mi moromoru simi ngeisngeis ma
simi tientoiv ma simi sinavei nia
vuor vakalaie kegiet sar lalaron.”**

2 Tim. 1: 7



**E Satan eie
e taman
bu binit.**

Ioan. 8: 44



**E Satan a
vuvuvuris
malan
mi angelo
simi berber:
2 Kor. 11:14**


Mi sinavei tsokor a vunan mi tsienkor

1.*1 Ioan 2: 16*

**Ken lalaron mi ka mia kap
vemusurie mi saran duis
(mi sinavei simi ka ma vevien
guor ta mutur kouk, mi da
ngeisngeis,
mi nginonginou)**

3.**Mi sinavei
nia vakam
ngan ken
ngeisngeis
ma mi asna****5.****Mi sinavei
nia vepot i kotubuon bu
tietie meie bu palapalan****Iakobo 3: 9-10**

**Mi sinavei mat konom:
mi lalaron simi lakep ma
sinsuv**

2.**4.*****Mi
Mientou******Mat. 10: 28*****6.*****Iakobo 3: 14-18******Mi vinekapot simi kulou
vodovodon tuktuk***

Mi Vinasengei 9***Surie misa giet ta ko tsana mi sinavei tsokor?***

Mi vuna venvendon: Ine mi vinasengei a dedeng simi tsaka baitutuir simi aron mi ka, ma ta menise vakaleie mi sinavien mi kulou rongtsak siken sar vinuor e Raban. Surie kegi sinavei nia tsola ken lalaron e Raban surie kegi sar tino, mi kulou gi dikie bu tsaka vuovuan.

A. E Karisito a nga subiran bu Parasaio surie kegi sinavei nia malamala ka duis. Simi sana rosar gi nga malamala ka duis i aron ne bu nama simi Pakpak Leong.

1. Mat. 23:1-13
2. Mat. 23:15-17
3. Mat. 23:27-28

B. Man pinopinouts mi Parasaio ma mi ka porpor takis. Luka 18: 9-14

1. Surie misa e Iesu ta nga potsukie ine mi pinopinouts? A nga vokokotie ine mi nama rakot sesie? (kts. 9)
2. Misa ian mi Parasaio a nga vuot kalei ngan? (kts. 11-12)
3. Misa mi ka porpor takis a nga pengan se Raban? (kts. 13)
4. E Iesu vasa a nga palasie venengan ine mi nama puppuo? (kts. 14)

C. Mi aor eie a vunan mi tsinatsangan kokouk mi mei. (Poster 9a)

1. Mi sana kepineits ta rovtsour simi aron mi mei a vara bita ngan mi mei ma a kap va ngan misa ta nganie. (Marko 7:17-23)
2. E Raban a ko dengarie mi aron mi ka, a kap va mi baidedeng ka i marar simi mei. Luka 16:14-15
3. Man nama puppuo mi banga ei ma mi tsaka ei. Luka 6:43-45
 - a. Mi ka ta vuortie ke tino, eie e Raban => Bu banga vuovuo
 - b. Mi ka ta vuortie ke tino, arie evoi kese => Bu tsaka vuovuo

D. Giet pare mi aron mi mei ese ta vemusurie e Raban ma mi mei ese ta kap. (Poster 9b)

1. Ine giet pare bu tsinatsangan tsokor mi pirpir (Gal 5:19-21)
 - a. mi sinavei tetteririv
 - b. mi tsaka venvendon ma mi tino mala kopuen
 - c. mi sinavei nia rangarie bu raban bitbit
 - d. mi sinavei nia tsang tinepekei
 - e. mi sinavei ni matakorot
 - f. mi sinavei nia tsuok vakake mi tseng
 - g. mi sinavei nia ngunguts
 - h. mi sinavei nia kengeir
 - i. mi sinavei ngangaguo
 - j. mi sinavei vengevengeit
 - k. mi sinavei nia tsola mi mienagos,
 - l. ma mi sinavei nia matabiek
 - m. mi sinavei nia un nge be
 - n. mi sinavei nia oir kouk nia tsana bu tsaka sinavei
 - o. mi pinuer
2. Ine bu tsaka kepineits gi kovu i aron mi mei ma a vara bita ngan. Marko 7:23
 * Ine arie mi pitsuon mi sinavei tsokor.
3. Eikesen giet ta ngas suvuon bu vuovuan mi Moromoru Tamat. Gal 5:22-26.

E. Ken keipkeipdera mi mei keskes nia nono sen ma nia tior betien ken tino. Nono vemusurie ine bu puppuo.

Puppuo 1: Tsana ka puppuo simi rosar nia no vemusurie mi Nama simi Pakpak Leong.

Nama simi Pakpak Leong:

Bu Pak 23:1 "Mi Nguts eie kong ka nennei. O ta kap pinat sika kepineits."

Bu Pak 23:2 "A ko tsana iou va o ta mutur sibu korot duis ian bu uotuot ta to matda en. A ko muonge iou rakot i bingan bu barada tiko."

Bu Pak 23:3 "A ko vovoru mi morumoruong. A ko muo nge iou simi rosar duis surie mo mi asan.

Bu Pak 23 ... Mi aesaes die ngas

Mi puppuo nia vurisan Bu Pak 23 rakot sibu nono:

Bu Pak 23:1 - Mi Nguts o telekiran va evoi kong ka nennei. O kap pinat surie ka kepineits , kap ka kepineits rovoriu.

Bu Pak 23:2 - E kir terie iou simi korot minaes ma nia resen bu kepineits kokouk e ta tabarie iou ngan.

Bu Pak 23:3 - Ma e vovoru mi morumoruong.

Puppo 2: Epeso 3:16-18 Pare ke Pakpak Leong.

Mi puppuo nia vurisan Epeso 3:16-18 rakot sibu nono:

Mi Nguts o no ngan ma matvinavaso ian ta leong beitsak ma ke tientoiv va e ta vangse iou ngan mi ngesegesien mi Morumorua, terengien va e Karisito ta mang to i aron mi aroung ma kong tino. Ma o no va e ta tsana ke tientoiv va ta toruvian i aron kong tino terengen va ta mang vakaek nge deng kilala mi baran, mi kuar, mi lebelebe ma mi raman sike tientoiv evoi Iesu Karisito, mong Nguts ma Kong ka ni vavato

Bu korot mene simi Pakpak Leong nia dengarie:

1. Bu Pak 139:23-24
2. Bu Pak 51
3. Epeso 3:16-21
4. Roma 8:28-29
5. Roma 8:37-39
6. Ioan. 6:37-40
7. Pilipo 2:5-11
8. Pilipo 4:4-7

Mi aron mi mei mi tsukatsukan mi tsinatsangan

Mi banga vuovuo

Marko 7: 17-23

Luka 6: 43-45


**Mi tsaka
vuovuo**



**E Raban a vuortie
ke tino**

**E Raban a dengarie mi aron
mi mei, kap va vasa ta mat ven
ka i marar.**

Luka 16: 14-15




**Evoi e vuortie
ke tino.**

**Ine
mi petsuon
mi sinavei**

**“Ine bu tsaka kepineits gi kovuni die i aron
mi ka ma gi vara bita ngan.” Mark 7: 23**

**Ine mi
tsinatsangan
mi lalaron
simi pirpir.
Gal. 5: 19-21**

2 Kor. 4:4



**Giet ta ngas vua
ngan bu vuovuo
simi Moromoruo
Tamat
Gal. 5: 22-26**

MI Vinasengei 10: Misa mi vuovuan kegiet sar sinavei tsokor?

Mi vuna venvendon: Surie mi kulou gi vemusurie ken vodovodon teteir e Raban nian kegi tino, gi me dikie man sar tsaka vuovuan. Ine mi vinasengei a vokokotie man kienelei mi venvendon duis, a kap va bu banga kepineits giet ta tsana ka i marar.

A. Ba rosar luo simi tino a mon:

1. Mi rosar mene a muo nge no rakot se Raban.
2. Mi rosar ka ie a muo nge no rakot simi tsienkor. Deng kelala va mi rosar simi tino ta vor peukpeuk.
 - a. E Satan a ko tsatsang ngan kegiet sar lalaron nia voguersa giet. Roma 1:21-23, 29-31 (Poster 10a)
 - (1) Egie ese gi ta mereis nia mangaran e Raban. Roma 1:21.
 - (2) Bu aor a me ngingi, gi purusie mi tuktuk ma gi vemusurie misa ta kap duis. Roma 2:8
 - (3) Mi lalaron simi tsokor ma mi ngingi. Ioan 3:19
 - (4) Mi tsienkor leong. Pilipo 3:18-19 (1 Kor. 13:1-3)
 - b. Misasien egie te mi kulou vodovodon tuktuk, gi oit nia tino ngan mi tino ta kap vua nge vuovuo. Epeso 4:17 [Epeso 5:8; 1 Pet 2:16; Epeso 5:15; ma buer Ioan 6:37, 40, 47; Ioan 3:16-18; Epeso 1:5; Roma 8:22-25, 35-39; Ioan 10:28]

B. Ine arie vasa mi sinavei tsokor a nga vakaek ven,

1. Ine arie vasa mi sinavei tsokor a nga vakaek ven sikegi baimogomogos bu moromoru.

"Levei, e te nga kor kovuni simi rangit! Evoi Matalala, natuon mi taparang! Gi te nga temeka no peuk i keim simi kaber, evoi ese e ta nga tseiptsepirio palan bu vuna enamom! E nga vokokoit i aro, o ta kein i kur simi rangit ma o ta vogos ngie kong mogomogos nia vuor i kur siken kaemkaem e Raban ma o ta mogos nge vuor i popon mi pout sibu raban ta mon simi North. O ta kien rio bu baebael. O ta tsana iou malan eie ese ta tsiroup beitsak." (Isa 14:12-14)

2. Ine arie vasa mi sinavei tsokor a nga vakaek ven sibu mei.

¹ Ma ine mi tsotsoi a nga sievei beitsak riuo bu vinavinar tso mene e Raban Ieova ta nga tsana gie. Eie a nga oeng simi vevien, "A tuktuk va e Raban a pevien va, 'Ngado ta kap oit nia nganie ka vuovuan bu ei kokouk i tau'?"² Mi vevien a nga oeng simi tsotsoi ven ne, "Gor ta oit nia nganie bu vuovuo sibu ei i aro tau,³ eiekesen e Raban a mang nga pevien mo va, 'Ngado ta kap nganie tuktuk ka vuovuo simi ei i kotubuon mi tau, ma ngado ta kap oit tuktuk nia tebelie. Ngado ta masi mesei.'"⁴ Mi tsotsoi a nga pevien simi vevien, "Ngado ta kap oit tuktuk nia mesei.⁵ E Raban a telekiran va sien ngado ta ngou sien, bu matangdo ta katsep, ma ngado ta tsorubeit malan e Raban nge telekiran mi kienelei ma mi tsienkor."⁶ Sien mi vevien ta nga pare mi vuovuan ine mi ei a nga kalei nia ngou ma a nga mata tietienengei simi baidedeng, ma buer a si nga vodon va ta nga oit nia teir banga sinavei, a, a nga poro ba. (Vaka 3:1-6)

C. Bu tsaka vuovuan mi sinavei tsokor. (Poster 10b)

1. Mi sinavei tetteririv, mi tsaka venvendon ma mi tino mala kopuen, mi sinavei nia rangarie bu raban bitbit, mi sinavei nia tsang tinepekei, mi sinavei ni matakorot, mi sinavei nia tsuok vakake mi tseng, mi sinavei nia ngunguts, mi sinavei nia kengeir, mi sinavei ngangaguo, mi sinavei vengevengeit, mi sinavei nia tsola mi mienagos, 21 ma mi sinavei nia matabiek, mi sinavei nia un nge be, mi sinavei nia oir kouk nia tsana bu tsaka sinavei ma bu suada tsaka sinavei mene buer. Gal 5:19-21
2. Ine bu sinavei a ko vetangisie e Raban. Isa 5:1-4, 7


D. E Raban a tarie segiet mi sinavei duis, ian kap va segiet.

1. A tie giet nia suvu vinatoreis surie kegiet sar sinavei tsokor. Rom 3:9-11
2. Mi sinavei duis kovoni se Raban eie a te nga veketsepa (vutuir vasangan). Rom. 3:21-26
3. Giet suvuon mi duis nia viel. Ioan 3:16-18.
4. E Raban a votorosie e Iesu, ese ta kap nga suvuon ka sinavei tsokor, eiekessen surie kegiet sar sinavei tsokor, terengien va e Raban ta mang vosonie giet ngan ken sinavei duis e Iesu. 2 Kor 5:21.
5. E Iesu anga sorkie mi vinatoreis iva a nga otie giet nia suvuon surie kegiet sar sinavei tsokor. 1 Petro 2:24.
6. E Iesu a nga suvuon mi sinuburei terengien va giet ta mang suvuon mi tino. Gal 3:13
7. Vodon surie vakaleie ken kienelei ma ken kienengeir mi Nguts. Rom 11:22

E Satan a tsatsangan ngan kegiet sar lalaron ma pinat nia tsang vatsakatie giet.

Rom. 1: 21-23, 29-31

1. Egie gi ta purusie
nia tienengan
e Raban.



2. Bu arogie
a ngingi ma
gi vemusurie mi tsienkor.

3. Mi lalaron simi
sinavei tsokor
ma mi ngingi





4. Mi tsienkor
leong



**A sogove giet
man
vinatoreis
mi sinavei
tsokor.**

Rom. 3: 9-11
Rom. 3: 21-26
Ioan 3: 16-18



**Mi sinavei tsokor
a vabatie
mi tsienkor
leong:**

Mi sinavei tetteririv,
mi tsaka vienviendon,
mi sinavei nia rangarie
bu raban bitbit,
mi tsang tinepekei,
mi sinavei ni ve matakorot,
mi sinavei nia vakake mi tseng,
mi sinavei nia ngunguts,
mi sinavei nia kengeir,
mi sinavei ngangaguo,
mi sinavei vengevengeit,
mi sinavei nia tsola mi mienagos,
mi sinavei nia matabiek,
mi sinavei nia un nge be

2 Kor. 5: 21
1 Pet. 2: 24
Gal. 3: 13
Rom. 11: 22

**Gal. 5: 19-21
Is. 5: 1-4, 7**

Mi Vavato

Mi Vinasengei 11: Giet pare ken vuna tientoiv e Raban siken vavato

Mi vuna venvendon: Ine mi vinasengei a vokokotie vasa e Raban siken vuna tientoiv a masoron ven nia vodon rivie kegiet sar sinavei tsokor ma nia kir vurukude giet simi baititir nia me baser palapalan meie Eie. Kegiet baiteletelekirei surie ken lalaron e Raban nemei segiet, ine arie mi kepineits nia vangasie kegiet tino simi moromoru.

A. Kegiet sana baitutuir nia tino i muan giet ta suvuon ken tientoiv e Raban?

Nia telekire surie ken tenebeir e Raban (Ken tientoiv), giet ta ngas muna telekiran kegiet sana baitutuir nia tino i muan va giet ta suvuon mi tenebeir. (Poster 11a)

1. Giet vodon va mi arogiet a suvuon mo mi puk kitsip a lili simi sinavei tskor. Ine mi suada venvendon a mon peken te mi tuktuk.
2. Kap ka kepineits giet oit nia tsana nia vatoa bu arogiet.

“Mi aron mi mei a vous ngan mi binit rio bu kepineits mene kokouk ma kap man ka rosar nia vaton. Ese a telekiran ne?” (Ieremia 17: 9)

3. Eiekesen e Raban kesen mo a oit nia terie mi kuilkuil, ian ta oit nia vovoru bu arogiet meie bu mourmouagiet buer.

O ta terie sevoi mi aor vour ma mi moromoru vour; O ta tsang rivie ke aor ian ta mala vout ma o ta terie sevoi mi lalaron nia tor susuir. Ezek. 36: 26

B. E Raban a tovie giet beitsak ma a vodovodon pilang surie giet nia me beser palapalan meie te buer.

1. Ine are vasa e Raban ese ta leong beitsak a ko tovie giet ven.
Mat. 27:26-30, 35-44; Ioan.10:17-18 [Rom 5:6-8]
2. Nia vogos muerngan mi menagos ni beser palapalan meie e Raban, giet ta ngas muna tsang rivie bu kepineits ian ta tuir biritie giet nia suvuon mi banga menagos. Giet ta ngas nongie ken ni vodon ririv e Raban. Ioan. 5:39-40; Ioan 6:35-37

C. E Raban a rorois mo nia vodon ririv.

1. E Iesu a nga verikulie giet sikegiet baimogomogos. Ine a vasangan ken lalaron leong beitsak nia vodon rivie kegiet sar tsaka sinavei. (Poster 11c)
 - a. Mi tsienakor leong eie man votovoto kegiet tino kabair.
 - b. Puek 1:5b-6 "...E Iesu a tovie giet ma a nga vara ketseketseng nge giet si kegiet sar sinavei tsokor ngan mi daran..."
 - c. Man vuevve mi ni vodon ririv
 - (1) Nia tsorubeit ketseketseng rovoriu sorvekenan bu suasuada rongrongmetsik tsokor.
 - (2) Nia tsang rivie mi vinatoreis, o, ka ora, o, ka suada tsientsang nia varatuktuk ngan ka kinubuits.
 - (3) Nia vodon rivie bu kepineits ian e ta suvu duis nia poro eiekesen e sunuir nia vodon tsupuk rivie.
 - d. Man vuevve mi ni vodon ririv a malan ine, kegiet sar sinavei tsokor kokouk te e Raban a kap ba oit nia vodonome te buer. Iburu 8:12.
2. Ine bu korot simi Pakpak Leong a vasangan va e Raban a sunuir nia vodon ririv.
 - a. 2 Kor 5:21
 - b. Gal 3:13
 - c. 2 Pet. 3:19 [1 Tim 2: 3-6; Titus 2:11; Ioan. 3:16-17]


D. Ken tientoiv e Raban a kukuo giet nia vilikitie giet ma nia vodon vuris.

1. E Raban a kap nga pinat va ta nga vodon rivie kegiet sar sinavei tsokor, eiekesen surie ken vuna tientoiv ma ken kienelei, e Raban a nga vara lebelebe ngan ken ni vodon ririv.
 - (a) Mi tientoiv eie mi kepineits giet kap kelei oit nia suvuon.
 - (b) Giet te me suvuon mi vavato ngan mi vodovodon tuktuk siken tientoiv e Raban. Eie mi tenebeir kovu se Raban. Epeso 2:8-9.
2. Ken kienlei e Raban a muo nge giet rakot simi ni vodon vuris. Rom 2:4 (Epeso 3:16-19)
3. E Raban a kap ko vodon punan giet sika ra. Misasien va e ta vemusurie kavo tsaka sinavei, e Raban a kap ngas vodon puna no. Eie a kap sunuir va e ta tsoroiv rovoriu. Pilipo 1:6.

E. Mi kepineits nia tsana: Mi keipkeipdera nia mon menemene. Vodon surie mi sana kepineits e Raban a te tsana sevoi? Mi sana e ta ngas tsana?


F. Man pinopinouts e Osea ma e Gomar.

- a. Bu Pak 103:3-4 (1-5) E Raban a te nga te vorotsoru giet simi mat leong.
- b. Osea 1:1-10 (Potsukie mo mi pinopinouts, ma e ta kap vurisan rakot simi namani Madara.)
- c. Osea 11:1-4, 7-9, 12. E Raban a ko munu tengisie giet. "Vasa o ta oit ven nia vodon rivie no.?"
- d. E Raban a nga voir tsana giet ngan mi daran e Natuon.
- e. Ken vinekikin ma ken mensei e Iesu simi koitskoits. Mat. 27:26-30; 35-44.
- f. E Iesu a nga sunuir terie eie kokouk nia rakot simi koitskoits, surie ken vuna tientoiv. Ioan. 10:17-18




*Giet si vodon va bu
arogiet a suvuon bu
sinavei tsokor lili mo.
Ine a kap tuktuk.*

**“Mi aron mi mei a vous
ngan mi binit rio bu
kepineits mene kokouk ma
kap man ka rosar nia
vaton. Ese a telekiran ne?”
Ier. 17: 9**




**E Raban a oit nia terie mi
aor vour meie mi
moromoruo vour:
*O ta terie sevoi mi aor vour
ma mi moromoruo vour; O ta
tsang rivie ke aor ian ta mala
vout ma o ta terie sevoi mi
lalaron nia tor susuir.*
Ezek. 36: 26**



Mat. 27: 26-30; 35-44

Ioan 10: 17-18

Vasa Giet oit nia pare ven ken tientoiv e Raban siken Vavato?



2 Kor. 5: 21
Gal. 3: 13
2 Pet. 3: 9
Rom. 2: 4

E Iesu a nga verikulie giet
sikegiet baimogomogos.



Mi vuna venvendon: Ine mi vinasengei a vokokotie mi sana ta tsorubiet simi ra giet tate me vodovodon tuktuk se Iesu Karisito va eie kegiet ka vavato. I aron ine mi vinasengei ta palase man vuevue; Mi sinavei nia vodon vuris mi sinavei, mi vodovodon tuktuk, ma mi vavato leong se Raban nia por muer nge giet simi sinavei tsokor, ma mi sinavei nia tsorubeit bu natuon e Raban rukien siken tietie.

A. Ken vavato leong e Raban nia por muerngegiet a kuva kokouk mi sinavei nia vodon vuris simi sinavei tsokor ma mi sinavei nia vodovodon tuktuk simi sana e Iesu tate nga tsana nia vatoa giet. Marko 1:14-15 [Aposol 20:20-21]

1. Mi sinavei nia vodon vuris.
 - a. Man vuevue: Nia vurisan mi vinavinadodon mi mene, o mi pitsuon ken tino.
 - b. Giet te maet si kegiet tino kabeir. 2 Kor 5:17
 - c. E Raban ta tsana no va e ta tsourbeit mi mei vour. Epeso 4:20-24.
 - d. E Ioanes mi ka sinusuruiv a nga vokokotie va mi sinavei nia vodon vuris tutuk ta ngas vasangan kesen simi sinavien mi mene. Mat.3:1-2, 7-8.
2. Mi vodovodon tuktuk
 - a. Man vuevue: Nia teir putan ke tino simi moromoru rakot se Iesu Karisito.
 - b. Giet kap nga suvuon mi vavato vemusurie kegiet banga sinavei kesegiet, eiekesen simi sinavei mo nia vodovodon tuktuk simi sana e Iesu Karisito tate nga tsana kegiet.
Epeso 2:8-9, 2 Kor 5:15; Rom 6:22-23.
 - c. Sunuir va e Iesu ta tsorubiet mi kovakova muomuo leong sike tino ma terie no kokouk te nia vemusurie. Ine arie man vuevue mi Nguts.
 - d. Giet kap nga suvuon mi vavato vemusurie kegiet sar banga tsientsang eiekesen giet nga suvuon mi vavato nia tsana bu banga tsientsang.
 - (1) E Raban a te rorois ngan kegiet tsientsang. Epeso 2:8-10 [kts. 10 E Raban a nga tsana giet ngan e Karisito Iesu nia tsana bu banga tsientsang.]
 - (2) E Raban a nga muna totok telekiran giet nia tsourbeit malan e Natuon. Rom 8:28-29.
3. Kegiet sar sinavei tsokor e Raban a te nga tsang rivie ma a teng terie segiet mi aor vour.
 - a. Mi daran e Karisito Iesu a te nga siriu vara melemelen kegiet sar sinavei tsokor.
Puek 1:5 [Iburu 1:3]
 - b. Surie mi vavato, kap te buer ka vinatoreis. Rom 8:1
 - c. E Raban a te terie segiet mi tino vour. Epeso 4:22-24 [Tito 3:5; Ioan 3:3]
4. E Raban a te me tour notuon nge giet.
 - a. Ine giet te me tsourbeit meinmenien ken tietie e Raban. Gal 4:4-6 [Epeso 1:5]
 - b. E Raban a te terie segiet mi duis nia suv sibu vavatamaes ian ta otien bu natuon. Gal 4:7; Rom 8:17.
 - c. Giet te me tikiu meie e Karisito, terengien va ta mang tino ngan mi tino vour. Gal 2:20
 - d. E Iesu a nemei nge mon meie giet nge terie segiet mi Morumoruan Tamat. Ioan 14:16-18, 23.
 - e. Giet munu tino ngan mi sinavei nia tor susuir se Iesu ngan mi ngesengesien mi Moromoruo Tamat. Gal 5:16

B. Misa a pinat nian mi ni vodon vuris?

1. Oeng katsep ngan mi sinavei tsokor. 1 Ioan 1: 8-9
2. Karto nge vuvuris sorvekenan mi sinavei tsokor. Esekiel 18:30-32; Rom 6:2
3. Teir putan ke tino nia tsana misa e Raban a lalaron va e ta tsana. Aposol 26:20
4. Vodon tuktuk se Raban va ta vurisan ke tino. Pilipo 1:6

C. Bu puppuo simi vodon vuris tuktuk

1. Mi ka ese ta nga deng kelala va eie mi ka tsokor. Luke 18:13-14
2. Mi kulou simi ringi Pentikos Aposol 2:37-38

D. Mi vodovodon tuktuk iva ta to ta vabatie ine bu kepineits sike tino.

1. Vourvour, ine arie kap va mi vodovodon tuktuk. Iakobo 2:19
2. Vodovodon tuktuk simi aro va e Karisito a nga maet surie no. Roma 10: 9-10
3. Ine e te suvuon ma Nguts vour. 2 Kor 5:15
4. Ine e suvuon mi baitutuir nia tor susuir sima Nguts vour. Rom 6: 16-19
5. Mi vodovodon tuktuk iva ta to ta vabatie bu tsientsang ian ta vasangan mi sinavien e Raban. Iakobo 2:14-17.

Misa mi Vavato?

Mi ni Vodon Vuris

Nia vurisan ken tino mi mei ma mi tsukatsukan

1.



Giet mesei
sikegiet tino
kabeir

Epeso. 4: 20-24
Mat. 3: 1-2, 7-8

Mi Vodovodon tuktuk


Nia terie ke tino simi
moromrouou se Karisitio.

2.




Poro e Iesu
va Ma Nguts
Leong sike
tino nge
sunuir nia
vemusurie.

3. A te nga tsang rivie kegiet sinavei tsokor ma giet te suvuon mi aor vour.



Peuk. 1: 5
Rom. 8: 1
Epeso. 4: 22-24

4. E Raban a nga tour natuon nge giet.



Gal. 4: 4-6
Gal. 4: 7
Gal. 2: 20

E Iesu a nemei
nia tino segiet
nge terie Ken
Moromoru
Tamat.
Ioan 14: 16-18, 23

Giet sunuir va
mi Moromoru
Tamat ta
muongan kegiet
tino. Gal. 5: 16

Mi Vinasengei 13 Bu sana totourlekier sikegi tino mi kuolaon e Karisito?

Vuna venvendon: Ine mi vinasengei a vokokotie vasa mi kuolaon e Karisito gi ta ngas tino ven. Mi vinasengei a kovu se 1 Ioanes. Mi tientoiv eie mi sinavei ian gi ta oit nia pare simi sinavigie mi kuolaon e Karisito, ian mi tino vour ta vabatue.

A. E Aposol Ioanes a nga vakokoit ven ne se 1 Ioanes 1:1-3...Gei vavatei ngeisngeis ngan senga ine mi tino rovoriu ...terengien va nga ta mang me tsok pekouk ...meie mi Tam ma meie e Natuon, e Iesu Karisito.

Mi pinopinouts: Mi madar vour a nga mon notso i South America ese e kinan tate nga maet. E taman eie mi ka unun ma a kap nga ko deng per surie e natuon. Surie ine, ine madar a nga ko neis nginonginou sibu teteir biror nia vaotie mi ventor. Eie a nga ko puer nginonginou simi vevien vodovodon tuktuk. Ine mi vevien a nga ko no surie ma a nga tsana ken venvendon nia kerie ine mi madar va e natuon nge naneie. I murien tate ngan kerie, a nga naneie vakaleie ine mi madar. A nga ko tabarie, vavatsekie nge kuirkuir, ma a nga tovie beitsak. Eiekesen mi madar a ngas nga ko puer ma a ngas nga ko neis nginonginou sibu teteir biror misasien a nga mon i pakien mi banga nennei. Eie a nga pinat va ta nga vodovodon tuktuk siken tietie vour. Eie a nga pinat va ta nga tovtov vasa bu mei gi ta ngas tino ven simi tietie ma ta ngas nga vemu surie ine bu rosar. Eiekesen ine a kap nga tsourbeit simi keipkepidera kes. A nga poro mi keipkepidera kuar.






- * Misa mi totourlekier? Eie mi sinavien mi mei ian ta vasangan sibu mei va eie mi sana suada mei.
- * 1 Ioanes - Ine vasa giet telekire venengan va giet te suvuon mi banga menagos meie e Raban.

1. Veis simi taparang. 1 Ioan 1:6-7
 - a. Terengien va e ta mang tsourbeit e natuon mi taparang. Ioan 12: 36
 - b. Bu vuovuan mi tino simi taparang a malan ne: mi kienlei, mi sinavei duis, mi tuktuk, Epeso 5:8-9.
2. Giet tsana misa e Raban ta lalaron. 1 Ioanes 2:3-6
 - a. Mi tientoiv a vabatie mi sinavei nia tor vemu surie. "Giet tovie beitsak e Raban ma giet tor vemu surie."
 - b. Ine arie mi vuovuan. Ioan 14:21.
3. Tovie bu kisi. 1 Ioan 2:9-11 [Ioan 3:10-11, 14-18, 20-21]
 - a. Ese e kisiung? Luka 10:29-37
 - b. Mi tientoiv eie mi viviel nian man kelekelei mi mei mene.
4. Kian va nga ta lalaron mi mangmagoso enaenamon. 1 Ioan. 2:15-17
 - a. Man vuevue 'mi mangmagoso enaenamon' a malan ne, bu kepineits simi pirpir, mi lalaron simi pirpir, mi sinavei vakam, (Pare mi vinasengei 8 ma 9)
 - b. Ine bu kepineits gi ta voto, eie ese ta veis meie e Raban, eie ta tino rovoriu. 2 Korin 4:18
5. Tsok se Iesu. 1 Ioan 2 :24
 - a. Man vuevue 'tsok se Iesu' a malan ne, va 'mon meie, por minaes sien, o, mon vatvatta' Ioan 15:4-7.
 - b. Mi vuovuan: ta vua ngan bu banga vuovuo palan. Ioan 15:4-5 [Ioan 8:31-32, Ioan 15: 7]
6. Mi Moromoru Tamat a vara tuktuk ngan. 1 Ioan 4:13
 - a. Mi ka ni varatuktuk ngan - mi mei ese ta pengan misa ta nga tsourbeit tuktuk.
 - b. Mi Moromoru Tamat a vara tuktuk ngan segiet va egiet bu natuon e Raban. Roma 8:14-16.

7. Tsana mi sa ta duis. 1 Ioan. 3:10
 - a. Eie ese ta tsana misa ta duis misasien a ngeisngeis beitsak, sien kap ka mene a pare, misasien ka kepineits sasavoir mo. Luka 16: 10 [Tito 2:7]
 - b. Oeng ngan mi tuktuk. - Kap va mi kapien mo simi tuktuk, eiekesen mi tuktuk ian ta pu.
Epeso 4:25
 8. Tseiptsepiruo mi sinavien mi mangmagoso enaenamon. 1 Ioan. 5:4-5
 - a. E oit nia suvuon mi banga menagos simi vunan e Iesu a te nga tseiptsepiruo mi ngesengesien mi kaber. Ioan. 16:33
 - b. Mi daran e Karisito a nga tseiptsepiruo ine bu kepineits. Puek 12:11
- B. O vataro ine bu kepineits rakot senga nga ta vodovodon tuktuk simi asan e Natuon e Raban, terengien va nga ta mang telekiran va nga suvuon mi tino rovoriu.** 1 Ioan 5:13
- C. E Petro a nga peven, "Ine bu kepineits ta vangasie ke tino simi moromoruo,"** 2 Petro 1:5-9
- D. Vasa, giet oit nia vodon nia poro misana kepineits giet ta lalaron?** 1 Ioan 5:14 15.

Man sana totourlekier mi kuolaon e Karisito?

1 Ioan — Ine vasa giet telekire ven surie mi vineis meie e Raban

<p>1 1 Ioan 1:6-7</p>  <p>8</p> <p>Tsieptseiprio mi sinavien mi mangmagoso enaenamon</p> <p>Veis Simi berber</p> <p>1 Ioan 5:4-5</p> 	<p>2 1 Ioan 2:3-6</p>  <p>Giet tsana misa e Raban ta lalaron</p> <p>Tovie e kisi.</p> <p>1 Ioan 2:9-11</p> 
<p>7 1 Ioan 3:10</p>  <p>Tsana misa ta quis</p> <p>Mi Moromoru Tamat a varatuktuk ngan</p> <p>1 Ioan 4:13</p> 	<p>1 1 Ioan 2:15-17</p>  <p>Kian va et alaloron mi mangmagoso enaenamon</p> <p>TSOK se Iesu</p> <p>1 Ioan 2:24</p> 

*Kegi tino
mi kuolaon e Karisito
ma
kegi Baitutuir bu muomuo*

Mi Vinasengei 14: Mi rosar nia tseiptseipriuo mi matakorot

Mi vuna venvendon: A potokivout va giet ta ngas telekiran mi tuktuk sikegiet duis ngan e Iesu. A potokivout buer va giet ta ngas telekiran bu suada kepineits ni minikiur simi moromoru nia tseiptseipriuo e Satan. Ine mi vinasengei a menise vititirie mi nama se Epeso 6 ma mi banga rosar nia vangasie giet sikegiet minikiur meie magiet matakorot.

A. Giet tino i aron ba tino luo: mi tino simi pirpir ma mi tino simi moromoru. (Poster 14a)

1. Bu kepineits simi moromoru a tuktuk malan mo bu kepineits simi pirpir.
2. Mi minikiur a mon: Eph 6:12
3. Mi binit eie mi kepineits leong e Satan a ko mikiur ngan.
 - a. Eie e taman bu binit kokouk: Ioanes 8:44
 - b. Eie a ko vurisan mi tuktuk: Mataio 4:5-7
 - c. Eie a oit nia tsourbeit malan mi angelo simi berber: 2 Kor 11:14 (Mataio 24:24)
4. E Iesu a nga nemei nia tseiptseipriuo ken tsientsang e Satan. 1 Ioanes 3:8.

B. Giet ta ngas telekiran magiet matakorot. 1 Petro 5:8-9 (1 Ioan 5:19; 2 Tes 3:3)

1. A potokivout va giet ta kap deng sasavoir ngan ken sinavei ma bu rosar ta ko ka i en.
2. E Satan a ko vemuusurie bu rosar kekineits nia teie bu mei sibu enamond mene.

C. Egiet mi kulou simi vodovodon tuktuk giet oit nia tino ngan mi tuktuk o, tino ngan mi binit malan mi kulou kap vodovodon tuktuk.

1. Mi ka ni vuor: e Satan
 - a. Ken vuna menagos: mi binit
 - b. Ken sinavei: mi lalaron seie kesen
 - c. Mi vuovuan: mi tsaka menagos ma mi tsokor
2. Mi ka ni vuor: e Raban
 - a. Ken vuna menagos: mi tuktuk
 - b. Ken sinavei: Tovie e Raban ma bu mei mene
 - c. Mi vuovuan: Mi nires ma mi molu.

D. Mi Ngesengesien e Raban a oit nia kulie no. Kol 1:13; 1 Ioanes 4:4 (Luka 1:37, Epeso 8:10; 1 Korin 10:13)

1. E Satan eie mi vinagoso mo mala giet, ma a kap venveneit meie e Raban o Ken ngeisngeis.
2. Giet oit nia vodovodon tuktuk siken ngeisngeis e Raban ta terie segiet.

E. Vasa giet ta mikuir meie ven magiet matakorot simi moromoru? 1 Petro 5:8-9 (Poster 14b)

1. Telekiran va ma matakorot a kono no.
 - a. E ta ngas telekiran ke matpomar si bu kepkepdera mene.
 - b. Kegiet lalaron simi pirpir buer a ko kono giet. Iakobo 1:14
2. Tsekie mi kuirkuir ni minikiur se Raban: Epeso 6:10-13 (Iakobo 4:7)
 - a. Mi verevere - mi tuktuk Epeso 6:14
 - b. Mi kakakuir bongbong - Mi sinavei duis Epeso 6:14
 - c. Ba poppop - Mi renorois nia ra vavatei ngan mi Banga vinavatei ian ta vabatie mi molu Epeso 6: 15 (1 Petro 3:15)
 - d. Mi napa ei ni tutuir kakuir - mi vodovodon tuktuk - E Iesu eie man Nguts ke tino, tsana ke venvendon nia vemuusurie. Epeso 6:16
 - e. Mi kovamon mi vavato Epeso 6:17
 - f. Mi kuor simi Moromoru Tamat - mi namanien e Raban Epeso 6:17
 - g. Vengeis nia no sibu ra kokouk ngan mi ngesengesien mi Moromoru Tamat ngan bu suada nono ma vinirei. Epeso 6:18
 - h. Tuir ngeisngeis Epeso 6:13b-14a

- i. Nga vavaso ngan bu kepineits se Raban nian mi minakiur, terengien nga ta mang oit nia tuir ngeisngeis karie ken sar roevroev mi kovan bu moromoru tsak. Epeso 6:11
3. Giet ta ngas tuir kokouk nia mikiur. Gal 6:2 (Iburu 10:23-25)
4. Kitipan mi binit va ta kap vakale no. Iburu 3:12-14 (Iakobo 1:23-25)

F. Mi rosar nia tsatsang ngan kegiet duis kovu se Raban

1. Ngan mi asan e Iesu Luka 10:17 [Aposol 3:6-7]
2. Mi namanien e Raban Mataio 4:8-11 [Epeso 6:17]
3. Bu nono ma mi vorvor Marko 9:28-29; Aposo 14:23
4. Mi daran e Karisito Puek 12:11
5. Kegiet vinakokoit vavakatsep Puek 12:11
6. Mi tetenengei ma mi rengeir Kol 3:16 [Epeso 5:17-20]




Mi Ngingi

Ioan 8: 44
Mat. 4: 5-7
2 Kor. 11: 14

Mi ka ni vuor: **E Satan**
Mi tsukatsukan: **mi binit**
Mi sinavien: **mi lalaron seie kesen**
Mi vuovuan: **mi tsienkor ma mi ni vovogureis**

Mi Berber

Kol. 1: 13
1 Ioan 4: 4
1 Pet. 5: 8-9



Mi ka ni vuor: **E Raban**
Mi tsukatsukan: **mi tuktuk**
Mi sinavien: **tovie e Raban ma bu mei mene**
Mi vuovuan: **mi nires ma mi molu**

Vasa giet ta veveken ven magiet matakorot simi moromoruo?

Epeso 6: 10-18

Nga ta
ngas
vengeis nia
no sibu ra
kokouk.

Kovamon: Mi Vavato

Napa ei nia
tutuir kakuir:

mi vodovodon
tuktuk –
E Iesu eie ma
Nguts. tor surie
ken nama

Kakakuir
Bongbong:

mi sinavei
duis se Raban

Kuor simi
Moromoruo
Tamat

mi Namanien
e Raban

Verevere:

mi tuktuk

Poppop:
Mi renorois nia vavatei
ngan mi Banga
Vinavatei.

“Nga vavaso ngan bu kepineits se Raban nian mi
minakiur, terengien nga ta mang oit nia tuir ngeisngeis
karie ken sar roevroev mi kovan bu moromoruo tsak.”

Eph. 6: 11

Mi Vinasengei 15: Surie misa kegiet tino ta ngas tsourbeit tamat?

Mi vuna venvendon: Kegiet menagos kouk meie e Raban a vemusurie kegiet vineis meie. Ine mi vinasengei a vakokoit surie vasa a potokivout ven kegiet vineis ian simi sinavei ta tamat. " Nga ta ngas tino ngan mi tino ian ta tamat, simi vunan o tamat." 1 Petro 1:16. Ine mi vinasengei a vasangan buer kegiet baimogomogos meie kegiet baitinuir se Karisito.

A. E Raban a tamat:

1. E Raban a tamat ma a duis va ta suvu tetenengei Puek. 4:8-11
2. Mi Moromoruo Tamat: Mi nama 'tamat' eie mi karton mi asan.
3. 1 Ioanes 1:5 "E Raban eie mi tinaparang ma seie a kap ka ngingi sen rovoriu."

B. Misa 'mi sinavei tamat'?

1. Man vuevue: Teir kentsan se Raban.
2. Man vuevue 'mi tinaparang' eie mi sinavei a dokei ma sodek simi tino.

C. Misa e Raban a lalaron va giet ta tsana? Giet oit nia vakokoit malan e Paulo.

"O telekiran va kap ka banga kepineits a mon ine si kong tino simi pirpir." Roma 7:18

1. E David a virei va ese ta ba oit nia tuir i matan e Raban?

Ese ta oit nia kien siken kuitskuits mi Nguts? Ese a oit nia tuir siken korot tamat? Eie ese ba riman ta melemelen ma mi aron ta melemelen. Bu Pak 24:3-4

2. E Petro a pengan segiet:

"Eiekessen kenga sar sinavei kokouk ta ngas tamat, malan ken sinavei mi mei ese ta nga vile nga, ta tamat. Simi vunan mi Pakpak leong a pevien, "Nga ta ngas tino ngan mi tino ian ta tamat, simi vunan O tamat." (1 Petro 1:15-16)

3. E Raban a lalaro vasangan ken ngeisngeis sikegiet tino. Eie a nga tsana ken taparang, ma ken sinavei tamat a rar sibu arogiet. 2 Kolose 4:6-7.

D. E Raban a nga vokunie giet va egiet bu natuon. Ma a nga totoka giet ngan Moromoruo Tamat. Ma ine kegiet baitinuir ta mon rovoriu.

"Io, arie e Raban eie ese ta ko vangasie gei meie nga va giet ta mang tuir ngeisngeis se Karisito. Ma a nga vokunie giet.²² Ma a nga totoka giet nge teir vunie nge giet mi Moromoruo Tamat sibu arogiet malan mi tsiktsik eor." 2 Korin 1:21-22

[Dengarie buer se Epeso 1:13-14; 2 Korin 5:5]

E. Ma buer a nga oeng ngeisngeis segiet va giet ta ngas tsourbeit tamat. 1 Petro 1:15-16

Mi pinopinouts: Sien va e natuon tamat mi muariem mi ka leong gi ta kava, arie eie mi ka leong vevemuir? Vasa, ine mi nout a oit nia tsourbeit ka leong i murien ka wik kes mo gi ta kava sien? A kap. Eie ta ngas to leong nge tovtov i aron mi tino simi ka leong. Ken baimogomogos va eie ta ba tsourbeit mi ka leong si bu ra vevemuir. Eiekessen eie ta ngas to leong ma ken sinavei ta ngas pitak nia suvuon ian mi mogomogos. Eie mi saran mi tino.

F. Ba suada sinavei tamat luo a mon. Iburu 10:14

1. Mi baimogomogs
 - a. Simi ra giet ta vodovodon tuktuk se Iesu Karisito, giet te tsourbeit bu natuon e Raban ma e Raban ta terie segiet ken sinavei tamat e Karisito. Pilipo 3:9.
 - b. Kegiet baimogomogos va giet ta tamat. Vakaek simi ra giet ta tsourbeit mi kulou vodovodon tuktuk, giet suvuon ine mi baimogomogos. E Raban a nga totoka giet ngan mi Moromoruo Tamat ese ta mon sibu arogiet. Epeso 1:13-14; 2 Korin 1:21-22.
 - (1) Giet kap nga tsatsang nia poro; E Raban a nga voir tsana giet ngan mi daran e Karisito. 1 Korin 6:20. [1 Petro 3:18]
 - (2) Giet kap kelei oit nia suvuon ine mi baimogomogos. Roma 5:8 [Kolose 2:13-14]
2. Mi saran nia tsourbeit pitak
 - a. Eiekesen e Raban a nga oeng va giet ta ngas tsourbeit malan e Karisito. Ine mi rosar nia tsourbeit pitak simi tino simi moromoruo. 1 Petro 1:15.
 - b. Kegiet sinavei nia tsourbeit tamat: Giet ta ngas tsang rivie kegiet sar sinavei kebeir ni tino. Epeso 4:22-24 [Pilipo 3:12-14]
3. Io, e Raban a vuotongie giet va giet te tsourbeit duis ma tamat (baimogomogos) simi ra mi Moromoruo Tamat ta rubukien sikegiet tino, eiekesen giet ta ngas to leong nge tsourbeit pitak nge tsourbeit malan kegiet Ka ni Vavato.

G. Sien va e Raban a nga vuotongie giet va giet te duis ma tamat, surie misa giet ta ngas tino simi sinavei tamat?

1. Sien va ta kap, giet ta vamangarie magiet Nguts ma ta vasangan va giet kap telekiran tuktuk. Iburu 10:17-24; Iburu 10:25-29
2. Gi nga por vatsakatie ken nama e Paulo simi benengeiv ine. Roma 3:8; Roma 6:1-4.
3. Surie misa giet ta tino ngan mi sinavei tamat? Nia nemei vatavatat Seie, va Eie ta mang nemei vatavatat sevoi. Iakobo 4:8.

H. Mi saran nia tsourbeit malan e Iesu (Mi saran nia tsourbeit tamat)


1. Mi saran nia tsourbeit malan e Iesu eie mi vineis ma a kap tsourbeit sika ra kes. E Raban a lalaron va giet ta tsourbeit pu." Ioanes 10:10.

O ta mon va eou e Tamanga, ma enga nga ta tsorubeit bu natung tamat ma bu natung vevien, mi Nguts ian ta tsiroup rovoriu a pevien.¹ Io, bu banga kasiung, giet suvuon ine bu kinubuits kuwu se Raban. Arie mi vunan giet ta ngas vara melemelen nge giet kesegiet sorvekenan bu kepineits kokouk ian ta vara bita ngan mi pirpir ma mi moromoruo. Ma giet ta ngas mangaran e Raban nge tsorubeit tamat rovoriu i matan." 2 Korin 6:18-7:1.

2. Pilipo 1:6 E Raban a ngas tsatsang sikegiet tino va giet ta tsourbeit malan e Karisito.

Surie misa giet ta ngas tino tamat?

Man vuevue: Teir ka kentsan



Iburu 10: 14

Iburu 10: 17-24

Iburu 10: 25-29

Sien giet ta vodovodon tuktuk,
giet tsourbeit bu natuon e Raban
ma Eie ta terie segiet mi sinavien
e Karisito ian ta tamat.




Eiekesen a nga pengan segiet va
giet ta ngas tsourbeit malan e
Karisito. Ine mi saran mi tino
ivie giet ta vor ve totoleong nge
tsourbeit pitak simi tino ian ta
tamat.

Ba suada tino tamat luo a mon


Baitutuir

Kegiet baitutuir i aron
e Karisiro simi vavato



Vor Totoleong

Mi tino tamat ta vor
tsotsourbeit pitak



Giet ta tsourbeit malan e Karisito

Epeso. 1: 13-14

2 Kor. 1: 21-22

Epeso 4: 22-24

Mi Vinasengei 16 Vasa giet ta oit nia vato venengan mi sinavei tsokor giet ta munu tsana?

Mi vuna venvendon: Giet ta oit nia tseiptseiprio mi sinavei tsokor giet munu tsana ngan mi ngeisngeis simi Moromoruo Tamat, bu nono, ma mi teletelekirei surie e Raban. Bu rosar nia telekirei surie e Raban ma nia suvuon mi sinavien.

A. Mi Sinavei giet ko munu tsana

1. Misa mi sinavei giet ko munu tsana?
2. Ivie mi sinavei giet ko munu tsana a tsuok vakaek en?
Venvendon -> Tsinatsangan -> mi sinavei giet ko munu tsana -> Vasa giet ko tino ven -> misa va ta beit
3. Eie a kokouk malan mi rosar i uot. Sien ta veisngie, e me beit simi potpot sar ma e ta viel tsana mi sana rosar nia vamusurie. Palan bu ra giet ko vile mi rosar nia vamusurie ngan mi sinavei giet ta ko munu tsana, eikesen giet kap tsana ngan mi banga venvendon. Ine a oit nia beit bu keipkepidera palan, ian va e ta kap oit nia deng kilala. Ine a malan mi barada. Sien va mi da ta vamusurie mo mi kakada kes, bu kakada kaie gi ta maes.

B. Mi konokonon

1. Mi konokonon eie mi venvendon teteir simi vodovodon.
 - a. Eie a oit mi kepineits tsokor.
 - b. Eie a oit buer va mi lalaron nian ka banga kepineits eikesen giet poro simi tsaka rosar.
2. Vasa, mi konokonon eie mi sinavei tsokor? Iburu 4:15
3. Mi konokonon a suvuon ba tsukatsukan a tour.
 - a. E Satan: Marko 1:13
 - b. Mi mangmagoso enamon Gal 1:3-4
 - c. Kegiet lalaron kesegiet Iakobo 1;13-15
4. Vasa, mi ni tseiptseiprio a molous? Iburu 4:16, 1 Kor 10:13

C. Bu rosar nia ivisie

1. Giet ta muerngei surie man nama puppuo mi da. Sien va giet ta lalaro vurisan man rosar mi da, eie ta tarie mi tsientsang a leong beitsak. O oit nia konon nia tsana ka karot va mi da ta mon en (dam) nia por da va ta mang so surie bu kakada kaie. Eikesen sien va o ta tsana ian mi korot(dam) i pakien mi da leong, mi da ta mabarak simi dam. O ta nga muerngei rakot simi kakada o ta viel tsana nge tsana mi (dam) en.

Nia vaton mi sinavei giet ta ko munu tsana a malan ne. O ta ngas nongie e Raban va ta vasangan seou misana tsaka viviel o te tsana. Vourvour e ta oit nia deng kilala mo va e te vile mi tsaka kakada i murien e ta nga tsana mi viviel. E ta masi vodon va e kap oit te nia tsana ka viviel. Eikesen e ta no sibu ra se Raban va ta kulie no nia vurisan ian mi sinavei.

Sibu ra kokouk sien e ta nesie ken nama kuilkuil e Raban, eie ta vasangan sevoi mi rosar. 1 Korin 10:13. E ta pinat surie nia pare bu konokonon ian ta volopusuo no surie tsana viviel. Nongie e raban va ta vasangan sevoi ivie mi vevekeis ta ngas tsoubeit en va e ta kap mang nemei vatta mi korot ivie e ta nga tsana mi tsaka viviel en. Nongie bu palapala nia kulie no ngan kegie sar nonon ma vosuoreie gie nia verie telekiran va e ta voto ine mi sinavei.

2. Virisie bu tsaka sinavei ngan bu banga sinavei.
 - a. Sien e Satan ta kono giet. Epeso 6:10-17, [Iakobo 4:9, Mat.4:1-11]
 - b. Sien mi mangmagoso enamon ta kono giet. Vaka 39:6-12 [2 Tim 2:22]
 - c. Sien kegiet lalaron kesegiet ta konon giet. (Poster 12a)
 - (1) 1 Korin 9:24-27 Votovongie no kese nia tsana ian bu kepineits gi ta kulie no nia telekiran ma Nguts ma ke ka ni vavato. Baibel stadi, nono, rakot simi rengeir.
 - (2) Gal 5:16 E ta sunuir va mi Moromoruo Tamat ta muongan kenga sar tino, terengien va nga ta kap mang vemusurie mi lalaron simi pirpir.
 - (3) Pilipo 4:8 Mi sana ta tuktuk, mi sana ta vabatie mi sinavei ni minangarei, mi sana ta duis, mi sana ta melemelen, mi sana ta mata tietienengei, mi sana ta vabatie mi banga as, sien va kavo kepineits ta kalei beitsak o, ta kalei oit nia vabatie mi tietienengei, vodon surie ine bu kepineits.
 - (4) 2 Tim 2:22 E ta ngas sorvekenan bu tsaka lalaron simi tino sibu guam. E ta ngas vengeis nia tsorubeit duis i matan e Raban. Ma e ta ngas vengeis nia suvuon mi vodovodon tuktuk, mi sinavei nia totoiv, ma mi molu.
 - (5) Bu Pak 119:11 O te muiningan ke nama simi aroung va o ta kap mang tsana mi sinavei tsokor veie no. [2 Tim 3:16-17] (Poster 12b)
 - (6) Proverb 4:14-15 E ta kap vesingie mi rosar simi tsienkor ma buer e ta kap vemusurie mi vinisien bu ka tsokor.
 - (7) [Luka 22:40, 46] E ta no va e ta kap mang kor simi konokonon.
 - (8) [Roma 12:1-2] Io, bu kasiung, ngan ken aor molous e Raban, o nongie nga va nga ta teir putan bu kurikuringa rakot se Raban malan va mi tienebeir ni varam ian ta suvu tino ma ta tamat, ma ta varese e Raban. Ine arie kenga rengeir tuktuk simi moromoruo.² Kian va nga ta tino vemusurie mi sinavien ine mi kaber, eiekesen nga ta ngas sunuir va e Raban ta vovoru bu vinavinadodonga nge vurisan kenga sar tino, terengien va nga ta mang telekiran ken lalaron e Raban ian va ta kalei ma ta varese ma ta dokei rovoriu.
 - (9) [Kol 3:2] Nga ta ngas vokotserie kenga sar venvendon sibu kepineits ta mon die i kur simi rangit, kap va bu kepineits gi ta mon simi kaber.
 - (10) [Iakobo 5:16] Io, nga ta ngas vakokoit vasangan kenga sar sinavei tsokor senga kesenga,
 - (11) [Prov 24:16] Mi ka duis a ko kor bu keipkepidera mi nepeririem potsu luo.

D. Sien va giet ta mon vatta se Raban, giet ta kap lalaron te mi sinavien mi kaber.

1. E Iesu eie mi ei vain ma egiet bu rakrakan. Sien va giet ta kap tsok seie, giet ta kap oit nia tsana ka kepineits. Ioanes 15:5, 8
2. Vasa giet ta oit nia murien veie ven ian mi mei ta pevien ne,

O ta mon va eou e Tamanga, ma enga nga ta tsorubeit bu natung tamat ma bu natung vevien, mi Nguts ian ta tsiroup rovoriu a pevien. Io, bu banga kasiung, giet suvuon ine bu kinubuits kuwu se Raban. Arie mi vunan giet ta ngas vara melemelen nge giet kesegiet sorvekenan bu kepineits kokouk ian ta vara bita ngan mi pirpir ma mi moromoruo. Ma giet ta ngas mangaran e Raban nge tsorubeit tamat rovoriu i matan. 2 Kor. 6:18-7:1

3. Sien giet te me vor ve telekirei surie Eie, giet me vatta Seie, ma mi sinavigiet ta tsourbeit malan Seie. A vurisa giet vakaek sibu arogiet. Pilipo 1:6
4. Egiet giet rio bu ka ni tseiptseiprio simi minikiur. E Raban a tsana bu kepineits kokouk va gi ta tsatsang kokouk nia vabatie magi kienelei mi kulou gi ta lalaron beitsak e Raban. Ine mi kulou arie egie ese e Raban ta nga vile gie vemusurie ken vuna venvendon. [Roma 8:28-39]

Vasa giet ta oit nia vato venengan mi sinavei tsokor giet ta ko munu tsana?




1 Kor. 9: 24-27

Varatsangie no kese: Mi menise PPL, mi nono, rakot simi rengeir. Tsana ine bu kepineits va ta kulie no nia telekiran ma Nguts ma ke Ka ni Vavato.




Gal. 5:16

Nga ta sunuir va mi Moromoru Tamat ta muongan kenga sar tino, terengien va nga ta kap mang vemusurie mi lalaron simi pirpir.



Pilipo 4: 8-9


Mi sana ta tuktuk, mi sana ta vabatie mi sinavei ni minangarei, mi sana ta duis, mi sana ta melemelen, mi sana ta mata tietienengei, mi sana ta vabatie mi banga as, sien va kavo kepineits ta kalei beitsako, ta kalei oit nia vabatie mi tietienengei, vodon surie ine bu kepineits.



2 Tim. 2: 22


E ta ngas vi sorvekenan bu tsaka lalaron simi tino sibu guam. E ta ngas vengeis nia tsorubeit duis i matan e Raban. Ma e ta ngas vengeis nia suvuon mi vodovodon tuktuk, mi sinavei nia totoiv, ma mi molu..

Vasa giet ta oit nia vato venengan mi sinavei tsokor giet ta ko munu tsana?




Bu Pak 119: 11

O suvuon ke nama i aroung va o ta kap mang tsana ka tsienkor veie no.



Menagos 4: 14-15

Kian va e ta veis sikegi rosar bu ka tsokor...sorvekenan nge veisingie ke rosar.



E Iesu eie mi vain ma egiet bu rakarakan. Sien va e ta kap tsok Seie, e ta kap oit nia tsang vaotie ka kepineits: Ioan 15: 5,8

“O ta mon va eou e Tamanga, ma enga nga ta tsorubeit bu natung tamat ma bu natung vevien, mi Nguts ian ta tsiroup rovoriu a pevien.

Giet suvuon ine bu kinubuits kuvu se Raban. Arie mi vunan giet ta ngas vara melemelen nge giet kesegiet sorvekenan bu kepineits kokouk ian ta vara bita ngan mi pirpir ma mi moromoru. Ma giet ta ngas mangaran e Raban nge tsorubeit tamat rovoriu i matan.”

2 Kor. 6: 18-7: 1

Mi Vinasengei 17 Surie misa giet ta ngas vodon rivie mi tsienkor?

Vuna venvendon: Ine mi vinasengei a vokokotie mi sinavei nia vodon rivie bu tsienkor. Ma a menisan ken tino e Iesu ma ken sar puppuo simi sinavei nia vodon ririv. Ma a vasangan mi rosar nia vemu surie nia suvuon mi vodon ririv, ma nia vodon rivie kegi sar tsienkor bu mei mene.

A. Man mu mi mei (Poster 17a)

1. Mi aor putu ta kap voto eie a vabatie man mu mi mei.
2. Sen va e ta tara ka pitsipitsi kame i popon ka vout, eiekesen e ta kap vara melemelen ngan o, naneie vakaleie nge vodon va ta mav, ian mi pitsipitsi kame ta ngas kiem. Mi kiem tsak simi pitsipitsi kame a oit nia tsana va gi ta tav rivie mi pitsipitsi kame. Ma sienva ta kiem tsokor te, a oit nia vabatie mi mensei buer. Man mu mi mei a malan ne. Sen va e ta kap vaton mi aor putu/pentseir ian ta vunan man mu mi mei, ine a oit nia vabatie bu putu mene. Man mu mi mei a oit nia vabatie buer mi mensei. Giet telekiran ine simi vunan giet nga ko pare sikegi tino bu tubugiet ese gi ta nga ko por vangvangse mi aor putu nge kulie mi tsienkor ngan mi tsienkor ma ine mi sinavei a nga vabatie bu mensei palan.
 - a. E Raban a pevien e ta tsang rivie mi sinavei nia por vangvangse mi aor putu. Epeso 4:31-32.
 - b. A oit va mi kuolaon e Iesu buer va gi ta suvuon ine mi sinavei nia vabatie mi aor kikin sikegi tino. Epeso 4:17.
3. Man mu mi mei a oit nia vabatie kegiet menagos meie bu mei. Ma eie a oit buer nia pure kegiet niires.

B. Vasa telekiran ven va giet suvuon ine mi mu sikegiet tino? Ine bu totourlekier simi mu simi tino.

1. A kap res matan misa ta suvuon siken tino ma a kap ko res.
2. Petsepelteir tuvuon
3. Mi sinavei nia vabatie mi vinekapot
4. Mi aor teng
5. Mi aor rarap
6. Mi aor ta kap sunuir nia vemu surie mi Nguts

C. Misa giet ta tsana surie mi mu simi tino?

1. Vosuoreie e Raban nia kulie no nia vodon rivie bu tsienkor sibu mei ma nia tsupuk rivie mi aor kikin.
2. Terie se Raban ine bu aor kikin (ma mu) sen va e ta no.
3. No va e Raban ta vasangan sevoi surie misa ian mi mei ta nga vabatie mi aor kikin sike tino. Tavakier e ta masi nga tsana ke tsienkor veie ian mi mei.

D. Mi tsienkor e ta tsana (Poster 17b)

1. Bu mei kokouk gi suvuon mi vinekapot simi menagos. Ine a nga beit surie mi sinavei ta kap tsang vaotie ken nama o, ka kinubuits, o, mi sinavei nia oengoeng tsak, o, ken sinavei tsokor mi mei mene. Ba rosar luo a mon va giet oit nia vile seguor sen ine bu suada kepineits va ta tsourbeit sikegeit tino. Mat. 18:21
2. Ine arie ba rosar luo:
 - a. Mi aor kikin/ man mu mi mei ma mi sinavei kulie mi tsienkor ngan mi tsienkor.
 - b. Mi ni vodon ririv ma mi ni vedeng

E. Vasa giet ta oit ven nia tuir kitipan mi sinavei nia suvuon mi aor kikin/mi mu simi tino.

1. Vasa, giet suvuon mi sinavei nia kengeir lalapus ian giet ta ngas sunuir va e Raban ta vurisan? Mi aor rarap ta masi vabatie mi sinavei tsokor ian ta pinat surie mi vevekeis. (pare mi vinasenyei 16)
2. Mi aor rarap eie kap va mi sinavei tsokor, eiekesen giet ta ngas vaton lalapus. Epeso 4:26-27
 - a. Mi benebeir gi ta nga tsana veie no. E ta ngas tsana mi viviel.
 - (1) Vile nia aor putu/aor kikin/suvuon mi mu
 - (a) Mi mu i aro
 - (b) Kulie mi tsienkor ngan mi tsienkor
 - (c) Mi ni vovogureis simi menagos ma sevoi kese
 - (2) Vile nia vodon ririv
 - (a) Vodon ririv eiekesen oeng matan surie ken benebeir
 - (b) E ta kap vodonomie te buer.
 - (c) Mi tino ketseketseng.

F. Surie misa giet ta ngas vodon rivie mi tsienkor?

1. Simi vunan e Raban a nga vodon rivie kegiet sar sinavei tsokor. Kol 3:12-17
2. Man nama puppuo mi petspets kap ken ka tientoiv. Mat.18:21-35
 - a. Mi muomuo a nga vodon rivie ken ora leong (K10,000) mi petspets.
 - b. Eiekesen ian mi petspets a kap nga vodon rivie ken ora (K10) mi mei mene.
3. Giet suvuon mi tsientsang nia vavatei ngan man vinavatei mi ni vedeng. 2 Kor 5:16-20
 - a. Egiet bu ka ni vakokoit ken e Iesu Karisito. kts.20.
 - b. Kegiet vinavatei surie mi ni vedeng i kotubuon mi kulou ma e Raban; ma mi kulou ma bu mei mene. kts.18-19
4. Kap ka benebeir ma a melemelen: Pilipo 2:14-16a. E Paulo a pengan va giet ta poro vangvangse mi namani tino.

G. Sien va e ta tsang vatsakatie ka mei, ine arie misa e ta ngas tsana.

1. Vourvour, no rakot simi Nguts.
2. Oeng vakatsepa bu kepineits kokouk se Raban.
3. Rakot se ese e ta nga tsang vatsakatie nge nongie ngan ken vodon ririv. Kia nge vakvakokoit puluo o, mi sana gi ta nga tsak nge no ngan. Mat. 5:23-24, Mat.7:3-5.
4. Teir muerngan misana e ta nga pure o por tsana sien ma tsang vakaleie mi sana e ta nga tsang vatsakatie. Luke 19:8-9
5. Mi vodon ririv ta ngas kuva no ma eie ese e ta nga tsang vatsakatie sien va ka tsienkor a ngabeit sevoi. Roma 12:18.
Evoi e ta ngas tsana mo ke baitutuir nia vabatie mi ni vedeng, ma e ta kap votsuokie bu mei mene va gi ta ngas vodon rivie bu mei o, va gi ta ngas suvuon mi vodon ririv.

H. Sien va mi putu ta rubukien i kotubuon mi kulou vodovodon tuktuk, misa giet ta ngas tsana?

1. Menise no kese. A molous nia dengarie ken benebeir bu mei mene, eiekesen giet si kap pare kegiet sar benebeir. Kap va egiet mi kulou kap suvu sinavei tsokor. Mat.7:3-5.
Evoi kese e ta ngas muna tsang rivie ke sar sinavei tsokor.

2. Sien va ka kisi o vevine vodovodon tuktuk a tsana mi sinavei tsokor ian giet ta ngas oeng matan:
 - a. Rakot sen nge vakokoit meie. Mat. 18:15
 - b. Sien va eie ta kap rorong, kerie ka mei o kaba mei luo nge ra vakokoit sien. Mat.18:16
 - c. Sien va eie ta kap ngas rorong, kerie rakot i matan mi kulou vodovodon tuktuk nian kegi vuduvuduuis. Mat.18:17.
 - d. Sien va eie ta kap ngas rorong simi kulou vodovodon tuktuk, vodon malan ngan va eie mi ka kap vodovodon tuktuk. Eiekese e ta ngas tovie malan e Karisito ta nga oeng va, egiet giet ta ngas no surie magiet sar matakorot. Mat.5:44-46.

I. Misa giet ta tsana sien va mi vinetei nge nama a mon i kotubuon ken kulou e Raban? Epeso 4:11-16

1. Avoves ba kurikurien e Karisito? Avoves bu tietie se Raban ta mon die i kur simi rangit? Roma 12:5 [1 Kor 12:12-13; Epeso 4:4]
2. Sien va mi kame ta suvu binebas ma a vavasor, e kap ko peven va 'Evoi mi kaek be.' Ian a kap nia vaton mi vinavasor. E ta ngas naneie vakaleie va ta mang tsourbeit kelei. Sien va giet ta kap aor kes meie ka kisiget simi vodovodon tuktuk, giet suvuon ba rosar nia vemusurie. Roma 14:1- 15:7.
 Sien va ine mi putu kap va mi kepineits nia vetei nge nama surie, vemusurie misa Mat. 18:15-17 ta pengan. (Mi kepineits nia vetei nge nama surie, mi Pakpak Leong a kap vakatsepa nge giet ngan ka rosar nia vemusurie. E ta ngas telekiran va ine mi kepineits kap va bu kepineits Roma 14 ta vakokoit surie.)
3. I aron mi oiroir ni vodovodon tuktuk giet ko vavangiets ngan bu suasuada rengeir mene, ma giet ko peven, "Enga nga te bebeir." o, " Enga bu mat maermaer." Eiekese giet ta ngas tsatsang meie gie nge kulie gie, malan mi sinavei nia naneie vakaleie mi kaek ta suvu vinavasor.
4. Sien va giet ta vavangeits ngan bu rengeir mene ma bu meinmeniget simi vodovodon tuktuk, nge peven, "E te bebeir." o, "Evoi mi mat maermaer.", mi kurikurien e Karisito ta rongmetsikien mi vinavasor leong. Giet ko pare mi kulou vodovodon tuktuk giet ko vesas nge vekapot. Surie misa giet tsana ine? Giet ko tsana ine simi vunan giet vous ngan mi sinavei nia vakam. (E Raban a nga matokeran e Satan simi rangit surie ken sinavei nia vakam ma kakaleong.) Sien va giet ta vabatie mi vinesas ma mi vinekapot i kotubuon mi kulou vodovodon tuktuk, giet kap veis simi rosaran mi vodon ririv ma mi ni vedeng.

Mi kepineits nia vakokoit surie sibu gargar lili:

> Misa giet ta tsana? Vasa giet ta oit nia kuil venengan mi kuolaon e Karisito meie ngan mi ni vedeng ma mi vodon ririv, ma vamada bu mei gi ta suvuon mi aor kikin surie mi vinekapot i kotubuon mi kurikurien e Karisito?

Terie sike tino:

> Vasa, e suvuon ka mu simi aro? E pinat nia vodon rivie ka mei ma nia suvuon mi ni vedeng meie bu mei mene? Vasa e oit nia tsang venengan ine? Vabatie ka vevedon teteir nia vodon rivie egie ese e ta nga aor vavasor veie gie.

*Mi aor putu ta kap voto eie
a vabatie man mu mi mei.*

Epeso 4: 31-32

Epeso 4: 17

Epeso 4: 26-27


(*Mi mei ese ta nga tsana
mi benebeir sevoi*)

**Man mu mi mei a
vaboa kegiet
menagos meie bu
mei. (Kap va eie
mo giet ta aor
rarap veie),
ma eie a ko pure
kegiet nires.**



Mi Vodon Ririv eie mi Viviel

Gi nga tsana mi
benebeir veie no.



Mat. 18: 21

Vile nia mu

Man mu mi mei
i aron

Kulie ngan
mi tsienkor

Mi ni vovogureis:
simi menagos,
sevoi kese




Vile nia vodon ririv

E ta kap
vodonome
te buer.

Vodon riviv,
eiekesen oeng
matan surie
ken benebeir.



Surie misa giet ta vodon ririv?



Kol. 3: 12-17
Mat. 18: 21-35

**Mi muomuo a nga vodon rivie
ken ora leong (K10,000) mi petspets.**

2 Kor. 5: 16-20
Pilipo 2: 14-16a
Gal. 5: 13-15



**Eiekesen ian mi petspets a kap nga vodon rivie
ken ora (K10) mi mei mene.**

Mi Vinasengei 18. Egiet ken tietie e Karisito, vasa egiet ta ngas tino ven?

Mi vuna venvendon: Ine mi vinasengei a vakokoit surie bu kepineits ian ta potakivout sikegiet tino mi kuolaon e Karisito sibu tietie keskes sikegiet sar enamon. A vakokoit surie ken baitutuir mi ka rei ma ken baitutuir mi vevien rei. Ken vuna venvendon e Raban surie mi menagos simi tietie va ivie bu mei kokouk gi oit nia to matda kalei nge por ngeisngeis nian kegi tino se Raban.

A. Misana mi tietie simi vodovodon tuktuk?

1. Eie mi korot e Iesu va ta tsourbeit mi pitsuon.
2. Eie mi korot gi ta konon nia vabatie mi banga menagos meie bu mei mene.
3. Eie mi korot ivie mi tam ma mi kien guor ta vasangan misa guor vodovodon tuktuk sien.
4. Mi menagos sibu beser taman ta ngas vasangan mi sinavien e Raban.

B. Vasa e Raban a vakatsepa venengan kegi sar baitutuir bu mei keskes i aron mi tietie? (Poster 18a)

1. Mi kulou rei, nga ta ngas tovie kenga sar vevien malan e Karisito ta nga tovie mi kuolaon. Epeso 5:25
2. Bu tam, kian va nga ta vavasora bu nutunga surie kegi mat petspets va ta masi kor. Kol 3:21.
3. Mi lengei rei, nga ta ngas mangaran nge tor vemu surie kenga sar labeit. Epeso 5:22
4. Bu nout, nga ta ngas tor surie bu kinanga ma bu tamanga simi vunan enga simi Nguts ma ine mi sinavei a duis. Epeso 6:1 [Kol 3:20]

C. Bu sana kelekelei a mon simi tietie vodovodon tuktuk?

1. Bu tam ine simi kaber gi ta ngas vemu surie ken sinavei e Raban vasa a ko toiv venengan bu natuon.
2. Bu natumadar gi ta tovtov ngan ken tientoiv e Raban sen gi ta dengarie gi ta totoiv tuktuk i aron mi tino simi tietie. 2 Tim. 1: 5n

D. A nepeririem potsu kes kegi sar tsientsang bu tam ma bu kien

1. Mi tientoiv i kotubuon mi tam ma mi kien ta vasangan sibu nout vasa e Raban a tovie gie ven. Mi tietie a tourtelekiran e Karisito ma mi kuolaon.
2. Vasangan mi banga puppuo sibu kepineits kokouk e ta tsana. Bu nout gi tovtov ngan misana puppuo gi ta pare.
3. Suvuon mi sinavei nia mangaran e Raban sikenga tino simi tietie. Ke tietie ta ngas tsourbeit mi banga totourkilal surie ken tientoiv e Raban i matan bu mei mene.
4. Tovie bu nutunga.
5. Naneie vakalie bu ngutsu nga.
* Naneie vakaleie mi namaninga.
6. Kulie e natu va ta suvuon mi vodovodon tuktuk se Raban ma siken nama.
 - a. Ase mi Pakpak Leong sibu natu nge potsukie bu pinopinouts kovu simi Pakpak Leong.
 - b. No nge nga ververikis.
 - c. Mi rengeir i matavonuo.
 - d. Varatsngie gie nia no surie mi nginonginou.
 - e. Vengeis nia kulie e nutu va ta suvuon mi banga aor ma mi banga sinavien.

E. Ken tsientsang ian mi tietie ta vodovodon tuktuk

1. Mi korot ivie bu nutu madar gi ta por sinavei surie mi sinavien e Raban.
2. Mi korot ivie gi ta tovtov simi sinavei nia vuor vakaleie mi lalaron simi pirpir.
3. Ine a tour telekiran mi baitutuir i kotubuon e Karisito ma mi kuolaon.
4. Bu tietie vodovodon tuktuk gi vangasie mi kuolaon e Karisito.
5. Mi banga tietie vodovodon tuktuk a ko kuil vakaleie mi enamon.

F. Ken baitutuir ma ken tsientsang mi ka rei ma mi vevien rei


1. Ken baitutuir mi ka rei
 - a. Eie a kovan mi tietie malan e Karisito a kovan mi kulou vodovodon tuktuk. Epeso 5:23
 - b. Eie ta ngas tovie ken vevien ma ta tsatsang nian. Epeso 5:25; 28-29; Kol 3:19
 - c. Eie ta ngas mangaran ken vevien 1 Petro 3:7
2. Ken baitutuir mi vevien rei
 - a. Eie ta ngas mangaran ken labeit. Epeso 5:22; Kol 3:18
 - b. Eie ta ngas tor vemusurie ken labeit siken tinuir ni muomuo. Epeso 5:22; Kol 3:18
3. Egiet mi kulou vodovodon tuktuk giet ta ngas veve tor nge giet. Epeso 5:21; Kol 3:12-17.

G. Kegi baitutuir bu kien ma bu tam. 2 Tim 1:5 (Mi vodovodon tuktuk ian ta tuktuk)


1. Mi kien ma mi tam man ba muomuo mi tietie
2. Bu kien ma bu tam gi ta ngas naneie vakaleie bu nutugie
 - a. Mi kurikurigie
 - b. Mi vinavinadodogie
 - c. Mi morumoruagie
3. Bu kien ma bu tam gi ta ngas vavasengei sibu nutugie ngan kegi sar tsientsang bu nout.
 - a. Mi sinavei nia tov susuir a vabatie mi banga menagos ma a vekinebatie mi tino ketseketseng.
 - b. Mi sinavei nia rong tsak a vabatie mi banga menagos ma a kap terie mi tino ketseketseng.
4. Bu kien ma bu tam gi ta ngas votovongie gie bu nutugie malan e Raban a ko votovongie gie bu natuon simi vunan a ko tovie gie. Iburu 12:5-11.

Mi menagos simi tietie a vasangan vasa e Raban a

Enga mi kulou rei, enga keskes nga ta ngas tovie kenga sar vevien. *Epeso. 5:25*
 Enga mi langei rei, enga keskes nga ta ngas tor surie kenga sar labeit. *Eph. 5:22*



Bu natumadar gi ta tovtov ngan ken
 tientoiv e Raban sen gi ta dengarie
 gi ta totoiv tuktuk i aron mi tino simi
 tietie. *2 Tim. 1: 5*



**Bu tam ine simi kaber gi ta
 ngas vemusurie ken
 sinavei e Raban vasa a ko
 toiv venengan bu natuon .**

Enga bu tam, kian va nga ta
 vavasora bu natunga, surie kegi
 mat petspets ta masi kor.

Kol. 3: 21

Kegi sar tsientsang bu tam ma bu kien

1

Mi tientoiv i
kotubuon mi tam
ma mi kien ta
vasangan sibu
nout vasa e Raban
a tovie gie ven.





*Mi tietie a
tourtelekiran
e Karisito ma
mi kuolaon.*



2.

Tsana mi banga
puppuo
sibu kepineits
kokouk.



*Bu nout gi tovtov
ngan misana puppuo
gi ta pare.*

3.

*Ke tietie
ta ngas
tsourbeit
mi banga
totourkilal
surie ken
tientoiv e
Raban i
matan bu
mei mene.*



Suvuon mi
sinavei nia
mangaran
e Raban
sikenga tino
simi tietie.


Tovie bu nutunga.

4.




5.

Vuor vakaleie
mi karame.



Nanaie vakalaei mi namani.

Kulie e natu va
ta suvuon
mi vodovodon
tuktuk
se Raban ma
siken Nama.



6.

Mi rengeir i matavonuo.
Varatsngie gie nia no surie mi nginonginou.
Ase mi PPL sibu natu nge potsukie bu
pinopinouts kovu simi PPL.
No nge nga ververikis.
Vengeis nia kulie e nutu va ta suvuon mi
banga aor ma mi banga sinavien.

Mi Vinasengei 19: Mi sinavei nia rorois ma nia vavatei ngan mi Namanien e Raban

Mi vuna venvendon: Tovtov ngan vasa giet ta rorois ven ma vasa giet ta vokokotie venengan mi vinavatei simi Pakpak Leong va mi vinavatei ta tsuok voturie mi lalaron, mi teletelekirei, ma ta katsep sikegi bairorong. Ine simi SALT course, bu vinasengei a vemusurie mi rosar ian ta molous nia poro.

A. Rorois ngan mi vinavatei

1. No va e Raban ta vasangan sevoi mi nama va e ta vavatei ngan ma ta terie sevoi mi banga venvendon. 2 Tim 2:2 [Bu Pak 127:1-2]
2. Neis vorotan:
 - a. Ese mune gi ta beit simi vinasengei?
 - b. Misana gi pinat nia rongomie?
 - c. Misana e lalaro pare va ta tsourbeit?
3. Vile ka korot simi Pakpak Leong:
 - a. Menisan ine bu kitsip.
 - b. Tsana mi tsirien mi vinavatei.
 - c. Konon nia vorotan bu kepineits potakivout ine sibu kitsip
 - d. Misa ine bu kitsip gi vasangan surie
 - (1) E Raban
 - (2) E Iesu Karisito
 - (3) Mi Moromoru Tamat
 - e. Vorotan bu nama ni venengeng i aron ine bu gargar nama.
 - f. Vorotan ka kinubuits a mon ine simi kitsip.
 - g. Vorotan ka nama ngeisngeis a mon ne sibu kitsip.
 - h. Palasie mi sa e Raban a pengan sevoi i aron ine bu kitsip.
 - i. Palasie vasa e ta oit ven nia por nemei ngan sike tino.
4. Por toungan kovo kepineits nia vavasengei ngan.
 - a. Tsana ka kepineits nia tsuok voturie kegi lalaron nia rongomie.
Kovo suada kepineits malan ne: bu pinopinouts, pua mi pinopinouts, bu patspats.
 - b. Poro kovo kepineits nia kulie ke vinasangei.
Kovo suanda kepineits malan ne: mi patspats (poster), bu kepineits nia vasangan.

B. Mi tsirien mi vinakokoit

1. Mi nama i muo
2. Pedoran ba kepineits nia vokokotie (2-5)
3. Palse ine ba kepineits keskes.
4. Mi nama nia vaton ma mi rosar nia terie simi tino

C. Vavatei ngan mi vinavatei

1. Pengan segie misa e ta lalaro vokokotie.
2. Palsie man vuna venvendon ke vinavatei sibu suasuada rosar.
3. Deng muerngan nge vakokoit surie mi aesaes.
4. Vakokoit surie mi vuna venvendon nge terie sike tino.
5. Vakokoit sororan mi vinasengei ma kulie kovo virevirei.

Mi sinavei nia roroisngan mi Namanien e Raban (Sermon)


2 Tim. 2: 2

Ba Virevirei a voveits:

1. **Mi vuna venvendon** – misana vuna venvendon surie ine bu kitsip?
2. **E Raban** – misa a pengen segiet surie e Raban (mi Tam, mi Nout, ma mi Moromoruo Tamat)
3. **Mi vinasengei** – misana venengeng, kinubuits, o vinasengei a mon?
4. **Evoi ma eou** – misa ine bu kitsep a pengen va giet ta tsana?

Tsana mi tsirien

1. Mi nama i muo
2. Pedoran ba kepineits nia vokokotie (2-5)
3. Palse ine ba kepineits keskes.
4. Mi nama nia vaton ma mi rosar nia terie simi tino



Mi nama i muo

1. Man papappleis mi kepineits vourvour.
 2. Man papappleis mi kepineits a luongan.
 3. Man papappleis mi kepineits a tourngan.
- Mi nama nia vaton**